



Polisi y'u Rwanda

UMUTEKANO



N° 31 WERURWE 2016



Nyakubahwa Perezida wa Repubulika Paul Kagame n'Inama nkuru ya Polisi y'u Rwanda



UGIZE IKIBAZO HAMAGARA

IHOHOTERWA
RISHINGIYE KU GITSINA
3512

UHOHOTEWE
N'UMUPOLISI
3511

RUSWA
997

INKONGI Z'UMURIRO
111

IMPANUKA ZO
MU MUHANDA
113

IKIBAZO CYO MU MAZI
110

ISHAKIRO

5

Nyakubahwa Perezida wa Repubulika
Paul Kagame yaganiriye n'Inama Nkuru
ya Polisi y'u Rwanda

22

Imikorere myiza y'ikigo cya Polisi
gipima ubuziranenge bw'ibinyabiziga
igira uruhare mu kwirinda ruswa

6

Ihuriro rya 7 ry'Abapolisikazi ryibanz
ku guteza imbere ubumenyi bwabo

23

Ubukangurambaga bwo kurwanya
ibyaha burakomeje mu mashuri

8

Justus Kangwagye yagizwe umuhuzabikorwa w'ihuriro ry'Igihugu ry'urubyiruko rw'abakorerabushake mu gukmira ibyaha

24

Rutsiro: Abanyeshuri bo muri
GS Bwiza bakanguriwe kwirinda
ibiyobyabwenge

14

Kubaka Polisi y'umwuga bisaba ko
ihora ihugurwa - IGP Gasana

27

Polisi mpuzamahanga mu guhashya
ibyaha ndenga mipaka

21

Kayonza: Abahoze ari abana bo mu
muhandia biyemeje gufatanya na
Polisi kurwanya ibyaha

30

Ikipe ya Polisi ya Handball
yatsinze Polytechnique Kibogora

Abagize ubwanditsi bw' ikinyamakuru.

Ubuyobozi Bukuru
Polisi y'u Rwanda

Inama y'Ubwanditsi
ACP Damas Gatare
ACP Theos Badege
ACP Celestin Twahirwa

Umwanditsi mukuru
ACP Celestin Twahirwa

Umunyamabanga w'Ubwanditsi
IP Olivier Habimana

Abanyamakuru
IP Olivier Habimana
IP Francois Mugabo
Kamana Laurent

Photographer
IP Sylvestre Twajamahoro
PC Nzirorera JMV

Graphic Designer
Babirye Joy

Copyright 2016
Polisi y'u Rwanda

Ijambo ry'ibazze

Polisi y'u Rwanda irasaba abagenzi guharanira uburenganzira n'agaciro byabo

Polisi y'u Rwanda irakangurira abagenzi, baba abagenda mu ma modoka cyangwa kuri za moto, guharanira uburenganzira bwabo. Ibi turabivugira ko ku bantu benshi bakora ingendo cyane cyane zo mu ntara, usanga biteye impungenge kubona ukuntu umushoferi abatwara ku muvuduko ukabije, kandi ari nako ari kuri telefoni, maze abagenzi nabo bakicecekera, kandi nyamara uwo mushoferi aba ashirira ubuzima bwabo mu kaga, kuko ikibivamo nta kindi uretse urupfu, gukomereka n'ibindi byago.

Nyamara, abagenzi baramutse bafashe ingamba zo kwanga gutiwarwa gutyo, bakabwira umushoferi akagabanya umuvuduko kandi akareka gutwara anavugira kuri telefoni, byagabanya impanuka akensi ziterwa n'umuvuduko ukabije ndetse n'uburangare bw'abashoferi.

Polisi y'u Rwanda ikaba ikomeje gusaba abagenzi kutarebera abashoferi cyangwa abamotari batwarira ibinyabiziga ku muvuduko urenze ndetse no kuvugira kuri za telefoni ngo babihorere. Bityo mu rwego rwo gukumira ibyo byaha byose, abaturage barongera gusabwa gutanga amakuru kuri Polisi kuko iyo babaretse, baba ubwabo bishyira mu kaga gakomeye.

Andi makosa akunda kuboneka abagenzi bakicecekera, ni ku bantu bagenda mu modoka za rusange mu Mujyi wa Kigali ndetse no hanze yawo, aho abatwara izo modoka ubasangana ingeso yo gutendeka abantu, bakabapakira nkaho ari imizigo.

Ugasanga imodoka yagenewe imyanya runaka, ariko ugasanga ahari kujya abantu 4 hicaye 5 cyangwa 6, ubundi ugasanga konvuwayeri agenda ahagaze hejuru y' abagenzi cyangwa ababyiga kuko amategeko atabemerera guhagarara.

Ibi bigatera kwibaza impamu abagenzi bakorerwa ibi bakabyemera. Umuntu wishyuye amafaranga ye, akemera kugenda yitunatunye kugirango taxi ikorere menshi.

Polisi iramenyesha abagenzi mu modoka bitemewe kuko umuntu wese ubikoze aba yishe amategeko, kandi akwiye kubihanirwa.

Polisi kandi iramenyesha abagenzi ko bakwiye kubyanga kuko ari umuco mubi, kandi nabo bakamenya guharanira uburenganzira bwabo, hagira umushoferi ubyanga, abagenzi bagafatanya na Polisi mu kwandika nimero z'imidoka maze bakabibwira abashinzwe umutekano wo mu muhanda, hanyuma ba nyir' amakosa bagafatirwa ibyemezo.

Polisi kandi irashima abaturage bamaze kumenya uburenganzira bwabo n'uruuhare bakwiye kugira ngo ibyo byose bihagarare kuko ababihomberamo ba mbere ari bo kubera ubuzima bwabo cyangwa bw'ababo buba bushyirwa mu kaga. Polisi ikaba ikangurira n'abandi kubigira ibyabo kuko umutekano w'abaturarwanda ureba buri wese.

Nyakubahwa Perezida wa Repubulika Paul Kagame yaganiriye n'Inama Nkuru ya Polisi y'u Rwanda



Ku italiki ya 30 Werurwe , Nyakubahwa Perezida wa Repubulika Paul Kagame yaganiriye n'abapolisi bagera kuri 300 bagize Inama Nkuru ya Polisi y'u Rwanda(Police High Council), ikaba n'urwego rukuru Polisi ifatiramo ibyemezo bijyanye n'imiyoborere yayo.

Perezida Kagame aganira n'abagize iyo nama, yabashimiye akazi keza bakora maze abaha impanuro n'umurongo bagenderaho ngo buzuze inshingano zabo.

Mu byo yibanzezo, harimo ibijyanye n'igipolisi cy'umwuga(professionalism), aho yavuze ko abapolisi bashoboye kandi biyizeye (confident), bafite imiyitwarire ngengamikorere (ethics) myiza, bigishijwe neza(trained), bafite ubushake n'ubumenyi(committed), aribo buzuza inshingano zabo neza cyane cyane mu guhangana n'ibyaha by'inzaduka harimo n'ibijyanye n'ikoranabuhanga.

Yibukije kandi bimwe mu bibazo bikigaragara Polisi y'u Rwanda igomba kugiramo uruhare ngo bikemuke birimo iby'imbereho myiza y'abaturage, iohohoterwa rikorerwa abana n'imirimio ivunanye bakoreshwa, icuruzwa ry'abantu n'ibindi..ko byose bigomba kwitabwaho.

Perezida Kagame kandi yavuze ko hakwihitishwa imirimio yo kubaka laboratwari ipima ibijyanye n'amasano



y'ibinyabuzima(DNA) dore ko ibikorwa byo kuyubaka bigeze kure.

Uretse kuganira n'yo nama kandi, Perezida Kagame yatashe n'inyubako y'icyicaro gikuru cya Polisi y'u Rwanda yubatswe mu gihe cy'amezi 18, igizwe n'amagorofa ane, ikaba yaratwaye amafaranga angana na miliyari enye n'igice z'amafaranga y'amanyarwanda (4.500.000.000) ikaba yarubatswe bigizwemo uruhare rukomeye na Nyakubahwa Perezida wa Repubulika, dore ko ari nawe wari washyize ibuye ry'ifatizo aho yubatswe.

Iyi nama kandi yitabiriwe na Minisitiri

w'Umutekano mu gihugu, Sheikh Musa Fazil Harerimana, Minisitiri w'Ingabo, General James Kabarebe, Minisitiri w'Ububanyi n'Amahanga, Louise Mushikiwabo, Minisitiri w'Urubyiruko n'Ikoranabuhanga, Jean Philbert Nsengimana, Umugaba Mukuru w'Ingabo z'u Rwanda, General Patrick Nyamvumba, Umunyamabangga Mukuru w'Urwego rw'Ighugu rw'Umutekano(NISS), Brigadier General Joseph Nzabamwita ndetse n'Umuyobozi Mukuru w'Urwego rw'Ighugu rushinzwe imfungwa n'abagororwa, Brigadier General George Rwigamba.

Ihuriro rya 7 ry'Abapolistikazi ryibanzze ku guteza imbere ubumenyi bwabo

Ku italiki ya 26 Gashyantare 2016, i Kigali hateraniye ihuriro ngarukamwaka ry'abapolistikazi bagera kuri 700, rikaba rrimo kwibanda ku guha ubushobozi abapolistikazi ndetse no guteza imbere ubumenyi bwabo mu nzego zose.

Polisi y'u Rwanda ikaba yaratangiye gukoresha amahuriro nk'aya mu myaka 6 ishize, rikaba muri rusange riba rigamije guha abapolistikazi umwanya wo kungurana ibitekerezo n'ubunraribonye ndetse no guhererwa hamwe impanuro n'ubuyobozi bwa Polisi y'u Rwanda, n'ubw'Ighugu muri rusange.

Mu muhango wo gufungura iri huriro, Minisitiri w'Umutekano mu gihugu, Sheikh Musa Fazil Harerimana, akaba n'umushyitsi mukuru muri uyu muhango, yasabye abapolistikazi kuba intagarugero na ba ambasaderi b'abanyarwandakazi mu murimo bakora ngo nabo bitabire kwinjira mu murimo wo gucunga umutekano.

Sheikh Harerimana yagize ati: "Mugomba kuba bandeberaho mu murimo mukora, nimwe muri mu mwanya mwiza wo gufasha no gutabara abahohotewe, baba abana n'abagore, murasabwa kwitanga rero ngo izo nshingano zose zigerweho kuko nazo ari ishingiro ry'iterambere ry'Ighugu cyacu."

Yarangije ashimira abafatanyabikorwa ba Polisi kuri gahunda nyinshi ziteza imbere abagore bakomeje gufatanya na Polisi y'u Rwanda na Leta muri rusange ngo ihame ry'uburinganire ryubahirizwe, anasaba ko iri huriro ryazanaba iryo gucyahana aho biri ngombwa hagati y'abapolistikazi.

Aganira n'itangazamakuru, Minisitiri w'Uburinganire no guteza imbere umuryango nawe wari muri iri huriro,



yashimye uruhare rw'ihuriro ry'abapolistikazi kuva ryatangira kubaho, mu guteza imbere ihame ry'uburinganire. Yashimye kandi umusanzu w'abapolistikazi mu gushaka amahoro haba mu miryango yabo, mu kazi ndetse no hanze y'u Rwanda.


Umuyobozi mukuru wa Polisi y'u Rwanda, IGP Emmanuel K. Gasana mu ijambo yagejeje ku nteko y'abapolistikazi, yashimye imyitwarire myiza bagaragaza mu kazi kabo kandi

abashishikariza guhora bongera ubumenyi nk'uko bakomeje kugaragara mu kazi gatandukanye ubundi kari karahariwe abagabo. Urugero ni nk'aho abapolistikazi bakanika bakanatwara indege cyangwa imodoka z'ubwoko bwose, ibifarw, ubwubatsi n'ibindi, anabasaba gukomeza kurangwa n'indangagaciro za gipolisi n'iz'ubunyarwanda.

IGP Gasana kandi yije ko urwego ayoboye ruzakomeza kwita kuri gahunda ziteza imbere abapolistikazi no guteza imbere ihame ry'uburinganire.

Bwana Steven Rodriguez, wari uhagarariye One UN mu Rwanda, ikaba n'umwe mu bafatanyabikorwa ba Polisi y'u Rwanda, yashimye Polisi y'u Rwanda uburyo iteza imbere ihame ry'uburinganire ibicishije mu kigo Isange One Stop Center ndetse n'uburyo gahunda ya kominiti polisingi iteye imbere.

Ihuriro ry'abapolistikazi ni urubuga bahriramo kandi baboneraamo umwanya wo kurebera hamwe ibyo bagezeho nk'abapolistikazi, bagafatiramo ingamba zo kubisigasira n'izo guteza imbere imikorere ngo haterwe intambwe yisumbuye kuyo bariho, rikaba mubyo ryiyemeje, harimo gufata iya mbere mu kurwanya ibyaha by'ihohotera rikorerwa abana, irishingiye ku gitsina, icuruzwa ry'abantu, ikoreshwa ry'ibiyobyawenge, ruswa n'ibindi mu muryango nyarwanda.



Polisi y'u Rwanda, Ubushinjacyaha, Urugaga rw'abaganga n'abaganga b'ameno basinyanye amasezerano y'ubufatanye



Kuwa kane tariki ya 10 Werurwe, Polisi y'u Rwanda yasinyanye amasezerano y'ubufatanye n'ubushinjacyaha bw'u Rwanda (NPPA) n'urugaga rw'abaganga ndetse n'abaganga b'ameno (RMDC). Aya masezerano akaba agamije gukomeza ubufatanye, hagamijwe gutanga ubutabera bunoze hagati y'izi nzego. Uyu muhango ukaba wabereye ku cyicaro gikuru cya Polisi y'u Rwanda ku Kacyiru.

Aya masezerano akaba yashyizweho umukono n'umuyobozi mukuru wa Polisi y'u Rwanda Inspector General of Police (IGP) Emmanuel K. Gasana, Umushinjacyaha mukuru w'u Rwanda Richard Muhumuza na Prof. Emile Rwanmasirabo uhagarariye urugaga rw'abaganga n'abaganga b'ameno.

Abari muri uyu muhango, bavuze ko ubu bufatanye buzibanda ku gutahiriza umugozi

umwe hibandwa ku gukora kinyamwuga, ubunyangamugayo, gukorera mu mucyo no gutanga ubutabera, hagamijwe kugera ku nshingano za buri rwego muri izi, dore ko ari "inzego zifite inshingano yo gufatanya kwita ku buzima no kurinda umutekano w'abanyarwanda."

Bavuze kandi ko ubu bufatanye buzibanda ku guhanahana amakuru byihuse, no guhanahana ubunararibonye mu kugenza ibyaha bijyanye n'imikorere mibi ya bamwe mu baganga batanga ibyemezo bidaciye mu mucyo.

Ashyira umukono kuri aya masezerano, IGP Gasana yayagereranyije n'intambwe ikomeye mu guha imbaraga urwego rw'ubutabera no guhanahana ubunararibonye, ngo hatangwe ubutabera bwizewe nyuma yo kugenza ibyaha.

"Icy'ingenzi cy'aya masezerano si ukuyashyiraho umukono gusa, ahubwo icya ngombwa ni ukuyashyira mu bikorwa. Leta y'u Rwanda ihora ikangurira inzego za Leta kugirana ubufatanye hagati yazo ndetse zikanagirana ubufatanye n'inzego z'abikorera ku giti cyabo kuko bituma hatangwa serivisi nziza kandi vuba, gukorera mu mucyo n'ubutabera bunoze, ibi tukaba aribyo twiyemeje."

Akaba yagize ati:"Inshingano yacu nka Polisi ni ukurwanya, gukumira no kugenza ibyaha tugamije kurinda abaturage, iyi kandi n'inshingano y'ubugenzacyaha n'abaganga."

IGP Gasana yakomeje agira ati:"Icy'ingenzi cy'aya masezerano si ukuyashyiraho umukono gusa, ahubwo icya ngombwa ni ukuyashyira mu bikorwa. Leta y'u Rwanda ihora ikangurira inzego za Leta kugirana ubufatanye hagati yazo ndetse zikanagirana ubufatanye n'inzego z'abikorera ku giti cyabo kuko bituma hatangwa serivisi nziza kandi vuba, gukorera mu mucyo n'ubutabera bunoze, ibi tukaba aribyo twiyemeje."

IGP Gasana yanavuze ko kugenza ibyaha bisaba ubumenyi n'ubushoboz, izi nzego zikaba zibifite, bityo zikaba zikwiye kubisangira.

Yasoje avuga ko Polisi y'u Rwanda izakora ibishoboka byose ngo aya masezerano abe inkingi y'ubutabera mu Rwanda.

Umushinjacyaha mukuru w'u Rwanda Richard Muhumuza yishimiye ubu bufatanye, avuga ko buzafasha mu guhanahana amakuru ku gihe kandi bikazabafasha gukora amadosiye afite ibimenyetso.

Prof. Emile Rwanmasirabo we yashimangiye ko aya masezerano azarushaho gutuma izi nzego zose zikorera hamwe kandi zigakorera mu mucyo, bigatuma umutekano w'abanyarwanda ucungwa neza.

Akaba yagize ati:"Umwuga w'ubuganga ni umwuga utoroshye, usanga rimwe na rimwe abarwayi binubira uko bavurwa, niyo mpamvu kugenza ibyaha nk'ibyo bisaba ubushoboz butuma ugenza ibyo byaha abigeraho."

Yasoje agira ati:"Dukeneye guhuriza hamwe ubumenyi bwacu ngo tumenyen uko umurwayi abungabungwa tukanamenya ko bavurwa mu buryo bumwe. Aya masezerano rero ni ingenzi tukaba twizera ko izindi ngaga nk'urugaga rw'abafomo, n'urw'ababyaza bazaza nabo tugafatanya kugera ku nt ego twiyemeje."

Aya masezerano avuga ko kudaha ubufasha umurwayi mu gihe abukeneye bikaba byamuviramo gukomereka, kwangirika kw'ibice by'umubiri n'urupfu, ari amakosa y'umuganga cyangwa kutita ku nshingano z'umuganga, icyo gihe nawe bimuviramo gukurikiranwa n'amategeko.

Inama rusange yambere y'ihuriro ry'Igihugu ry'urubyiruko rw'abakorerabushake mu gukumira ibyaha



Kongere ya mbere y'ihuriro ry'urubyiruko rw'abakorerabushake mu gukumira no kurwanya ibyaha (Youth Volunteers in Community Policing) tariki ya 4 Werurwe yateraniye kuri sitade nto i Remera ikaba yatoye Kangwagye Justus kuba umuhuzabikorwa w'iri huriro ryabo.

Muri iyi nama hashyizweho ubuyobozi bw'iri huriro bukuriwe na Kangwagye Justus naho Assistant Commissioner of Police (ACP) Damas Gatare atorerwa kuba umuhuzabikorwa waryo wungirije ushinzwe ibikorwa, uyu mwanya akaba awufatanyije n'uwo yari asanzweho wo kuba umuyobozi w'ishami ryaPolisi y'u Rwanda rishinzwe imikoranire ya Polisi n'abaturage mu gukumira no kurwanya ibyaha. Muri iyi nama kandi ba Komiseri umunani batorewe inshingano zitandukanye arizo: amahugurwa, imibereho myiza, uburezi, umuco na siporo, n'uburinganire n'izindi...

Iyi kongere yayobowe na Minisitiri

w'ubutegetsibw'Igihugu Francis Kaboneka akaba yari kumwe n'umunyamabanga uhoraho muri Minisiteri y'umutekano mu gihugu Valens Munyabagisha ndetse n'umunyamabanga Uhoraho muri Minisiteri y'urubyiruko n'ikoranabuhanga Rosemary Mbabazi.

Minisitiri w'Ubutegetsi bw'Igihugu yavuze ko ubwo hashyirwagaho ihuriro ry'urubyiruko rw'abakorerabushake mu gukumira no kurwanya ibyaha mu myaka itatu ishize, ibyaha byagabanutse ku buryo bugaragara mu Rwanda kubera uruhare rwabo kuko bakoranye n'inzezo z'umutekano cyane.

Yagize ati:" mugira uruhare runini mu iterambere ry'Igihugu cyacu kandi mufite ubushobozi bwo guhindura sosietyi nyarwanda muyigira nziza. Ibyo mwiyemeje nk'urubyiruko rw'abakorerabushake mu gukumira ibyaha ni iby'agaciro kanini ku banyarwanda. Igihugu cyacu kirashima

uruhare rwanyu."

Minisitiri Kaboneka yavuze ko mu myaka 22 ishize, urubyiruko rumwe rwagize uruhare mu bwicanyi no gusenya Igihugu muri jenoside yakorewe abatutsi mu gihe urundi rubyiruko rwagize uruhare mu kuyihagarika no kubaka Igihugu kugera n'ubu. Umusingi wubatswe n'urwo rubyiruko ukaba ariwo ugomba gushingirwaho no muri iki gihe.

Yakomeje asaba uru rubyiruko kugira icyerekezo n'ubushake mu gukumira ibyaha.

Yagize ati:" mwese mwaratsinze kandi mugomba kuguma muri uwo murongo wo kugira uruhare mu iterambere ry'igihugu. Mwibuke ko muri ikiraro cy'iterambere ry'Igihugu cyacu. Iterambere rero ntirayerwaho nta mutekano n'ituze, niyo mpamvu mugomba kwiyemeza kugira uruhare mu gukumira ibyaha kuko aribyo u Rwanda rushingiyeho.

Ihuriro ry'urubyiruko rw'abakorerabushake mu gukumira ibyaha ryashyizweho rifite intego yo guteza imbere u Rwanda binyuze mu bikorwa by'ubukorerabushake, aho bitabira ibikorwa byo guteza imbere ubukungu n'imibereho myiza by'abaturage n'Igihugu, banateza imbere indangagaciro zo gukunda Igihugu n'ubumwe bw'abanyarwanda.

Kuva mu myaka itatu iri huriro ryajyaho, umubare w'abariqize wagije wiyoungera aho biyemeje kubaka igihugu gishingiye ku mutekano ndetse n'iterambere.

Intego

y'urubyiruko

Polisi y'u Rwanda irashimira cyane urubyiruko rw'abakorerabushake mu gukumira ibyaha kubera ubushake bafite. Ntagushidikanya ko ubu bufatanye aribwo bwonyine buzatuma habaho ukugabanuka kw'ibyaha."

rw'abakorerabushake mu gukumira ibyaha ni ugukangurira bagenzi babo kugira uruhare mu gukumira no kugabanya ibyaha, kungurana ibitekerezo ku byakorwa mu kurwanya ibyaha no gukangurira urubyiruko kuba abafatanyabikorwa ba Polisi y'u Rwanda mu kurwanya ibyo byaha binyuranye.

Urubyiruko rw'abakorerabushake mu gukumira ibyaha rwiyemeje kongera umubare wabanyamuryango ku buryo rufite intego yo kuzagira abanyamuryango miliyoni imwe. Rwiyemeje kandigukomeza ubufatanye na Polisi y'u Rwanda mu gukumira ibyaha, kuzashyiraho inzego zabo kugera no ku rwego rwa buri murenga.

Umuyobozi mukuru wa Polisi y'u Rwanda IGP Emmanuel K Gasana yagize ati: "Polisi y'u Rwanda irashimira cyane urubyiruko rw'abakorerabushake mu gukumira ibyaha kubera ubushake rufite. Ntagushidikanya ko ubu bufatanye aribwo bwonyine buzatuma habaho ukugabanuka kw'ibyaha."

Yakomeje abasaba ko ibyo bakora byose bagomba kurangwa no gukunda Igihugu, kugira disipulini, ubunyangamugayo no kuba intangarugero aho bari hose.

Mu kiganiro n'itangazamakuru,



Umuyobozi mushya w'iri huriro Kangwagye Justus yavuze ko kugeza ubu bafite abanyamuryango ibihumbi 20 mu gihugu hose, ariko bakaba bafite intego yo kugera ku banyamuryango miliyoni imwe kuko aribo bamaze kubyiyemeza ndetse bari mu byiciro bitandukanye.

Yakomeje avuga ko uru rubyiruko rw'abakorerabushake mu gukumira ibyaha rwafashije abatishoboye binyuze

mu muganda, ndetse rukaba rugira n'ibikorwa byo gukangurira urundi rubyiruko gukunda igihugu, gushyiraho amatsinda yo kurwanya ibyaha mu mashuri no mu rundi rubyiruko, bakaba ndetse bafatanya na Polisi y'u Rwanda n'izindi inzego zaleta mu bukangurambaga bwo kurwanya iohoterwa rishingiye ku gitsina.

Minisiteri y'ubuzima yahuguye abapolisi ku ihungabana n'uko bafasha uwahungabanye

Mu gihe twegerenza kwibuka Jenoside yakorewe abatutsi ku nshuro ya 22, igihe gitangira ku itariki ya 7 Mata buri mwaka, iki gihe cyo kwibuka jenoside kikaba kirangwa n'ihungabana rya bamwe mu bayirokotse, bityo bikaba bisaba ubumenyi ku ihungabana no gufasha uwahuye naryo.

Ni muri urwo rwego ku itariki ya 21 Werurwe, Minisiteri y'ubuzima ishami rishinzwe ubuzima bwo mu mutwe ryahuguye abapolisi 108 baturutse mu bice bitandukanye by'igihugu, kugirango ribibutse ibyo bagomba kumenya ku ihungabana n'uko bafasha abagaragaje ibimenyetso byaryo. Aya mahugurwa akaba yarabereye muri Sport View Hotel i Kigali.

Atangiza aya mahugurwa ku mugaragaro, umuyobozi w'ishami rishinzwe indwara

zo mu mutwe muri Minisiteri y'ubuzima Dr Yvonne Kayiteshonga, yashimye ubufatanye bugaragara hagati ya Minisiteri y'ubuzima na Polisi y'u Rwanda mu kubungabunga umutekano w'abanyarwanda ndetse n'ubuzima bwabo muri rusange, cyane cyane mu gihe cyo kwibuka Jenoside yakorewe abatutsi.

Yakomeje avuga ko Minisiteri ahagarariye yizera ko aya mahugurwa azatanga umusaruro haba kuri Polisi y'igihugu ndetse no ku bapolisi bahuguwe, mu gihe igihugu kigiye kwinjira mu gihe cyo kwibuka Jenoside yakorewe abatutsi mu 1994 ku nshuro ya 22.

Yasoje ashimira uruhare, ubwitanje n'umurava Polisi y'u Rwanda yagije igaragaza mu myaka ishize mu gihe cyo kwibuka.

IP Daniel Uwimana wari waturutse mu

ishami rishinzwe ubuvuzi muri Polisi y'u Rwanda, nawe yashimye ubufatanye Minisiteri y'umuzima idahwema kugaragaza mu bikorwa bitandukanye igirana na Polisi y'u Rwanda haba mu buvuzi, gahunda zo gukumira ibiorezo ndetse na gahunda z'amahugurwa.

Asobanurira abitabiriye aya mahugurwa akamaro kayo, yavuzeko usibye no gufasha abandi nabo bakwiye kumenya uko bafashanya hagati yabo mu bihe nkibyo bidasanze bireba abanyarwanda bose, akaba yabasabye ko amasomo bahawе ataba amasigara kicaro ahubwo agomba kugera no kubo babana nabo bakorana, aha akaba yagize ati: "Buri mutu wese agomba kwita kuwo begeranye, akamutega amatwi, akamuhumuriza byaba ngombwa akamugeza ku nzego z'ubuzima mu gihe hagaragaye ikibazo cy'ihungabanya."

DIGP Marizamunda yasuye abapolisi b'u Rwanda bari muri Centrafrique



Umuuyobozi wungirije wa Polisi y'u Rwanda ushinzwe abakozi n'imiyoborere, DIGP Juvenal Marizamunda, ku wa gatatu tariki ya 30 Werurwe yasuye abapolisi b'u Rwanda bari mu butumwa bwo kubungabunga amahoro bw'umuryango w'abibumbye muri Centrafrique, abasaba gukomeza guhesha isura nzi za u Rwanda bakora

akazi kabu neza.

DIGP Marizamunda, akaba yari ari muntumwazariyobowena Minisitiri w'intebu mu muhango wo kurahira kwa Perezida mushya w'icyo gihugu aboneraho umwanya wo gusura abapolisi b'u Rwanda bari mu murwa mukuru Bangui, akaba yarakiriwe n'umuyobozi w'aba bapolisi bari muri iki gihugu Assistant Commissioner

of Police (ACP) Gilbert Gumira. Akaba yarababwiye ati:"U Rwanda na Polisi y'u Rwanda by'umwihariko, tuzirikana kandi turabashimira akazi mukora hano ko gufasha abaturage ba Centrafrique mu kubashakira amahoro, mukomereze aho kandi ni iby'igiciro."

Yababibukije aho Polisi y'u Rwanda igeze mu mubano mpuzamahanga, gukumira no kurwanya ibyaha, imibereho myiza y'abapolisi, kurwanya ruswa n'ibindi.

Akaba yarababwiye ko bagomba kurangwa n'ikinyabupfura kuko aricyo kizabafasha kurangiza inshingano zabo no gukomeza guhesha isura nziza u Rwanda, abizeza n'inkunga yashoboka yose ngo basoze inshingano zabo.

U Rwanda rufite amatsinda atatu y'abapolisi bari kubungabunga amahoro muri Centrafrique, buri rimwe rikaba rigizwe n'abapolisi 140, amatsinda 2 akaba ashinzwe kubungabunga umutekano no gufasha abaturage , gucunga ibigo no guherekeza abakozi b'umuryango w'abibumbye UN , irindi tsinda rikaba rishinzwe kurinda abayobozi bakuru ba Centrafrique gusa.

Komiseri Munyambo yatangiye imirimo yo kuyobora Polisi ya Loni muri Sudani y'Epfo

Nyuma y'uko agizwe umuyobozi wa Polisi(D2) mu butumwa bw'amahoro bwa Loni muri Sudani y'Epfo (UNMISS), Commissioner of Police(CP) Bruce Munyambo, yatangiye imirimo mishya yo

kuyobora Polisi ya Loni muri iki gihugu kuwa mbere tariki ya 29 Gashyantare. Yasimbuye kuri uwo mwanya Assistant Inspector General of Police Frederick Yiga wo mu gihugu cya Uganda nyuma yo kurangiza

manda ye.

Mu muhango w'ihererekanyabubasha, Yiga yashimiye abapolisi bose bari mu butumwa bamufashije mu gihe cya manda ye akomeza yifuriza ishya n'ihiwe umusimbuye mu mirimo yashinzwe. CP Munyambo yavuze ko azakora ibishoboka byose kugira ngo abapolisi agiye kubera umuyobozi bakomeze buzuze neza inshingano zabo.

Yagize ati:"mu bunararibonye mfite mu byerekeranye n'ubutumwa bw'umuryango w'Abibumbye,

"Mu bunararibonye mfite mu byerekeranye n'ubutumwa bw'umuryango w'Abibumbye, ndahamya ntashidikanya ko nzatanga umusanze wanje nkongera indangagaciro nziza z'ubu butumwa.



ndahamya ntashidikanya ko nzatanga umusanzu wanjye nkongera indangagaciro nziza z'ubu butumwa. Ndasaba abapolisi bose gufatanya bagakorera hamwe twese tugaharanira kuzuza neza inshingano zacu.

CP Munyambo yashyizweho n'Umunyamabanga mukuru w'Umuryango w'Abibumbye nyuma y'aho atanzwe ho umukandida na Leta y'u Rwanda.

CP Munyambo agiye muri iki gihugu asangayo abapolisi b'u Rwanda basanzwe mu butumwa bw'amahoro barimo ukuriye ibikorwa bya Polisi mu butumwa bw'umuryango w'abibumbye bwo kubungabubga amahoro muri Sudan y'epfo UNMISS, Commissioner of Police(CP) Emmanuel Butera na Assistant Commissioner of Police (ACP) Rogers Rutikanga ukuriye itsinda ry'abapolisi b'u Rwanda (FPU) bari muri icyo gihugu.

Mu minsi ishize Polisi y'u Rwanda izohereza irindi tsinda ry'abapolisi 70 muri ubu butumwa n'abandi 26 bagiye gukora mu bijyanye n'ubujyanama (IPOs) bakaba baragwije umubare w'abapolisi b'u Rwanda 30 bari muri

Sudani y'Epfo bakora mu bijyanye n'ubujyanama (IPOs).

Abapolisi bari mu butumwa bw'amahoro muri Sudani y'Epfo baturuka mu bihugu bitandukanye birimo n'u Rwanda aho bafite inshingano zikomeye zижyanye no kugarura amahoro no kubungabunga umutekano.

Ubutumwa bw'amahoro muri Sudani y'Epfo burimo ibice bitatu; abasirikare, abapolisi n'abakora nk'abasivili.

By'umwiheriko abapolisi bari mu butumwa bwo kubungabunga amahoro muri Sudani y'Epfo bose hamwe ni 561 u Rwanda rukaba arirwo rufitemo umubare munini. Mbere yuko ahabwa inshingano muri Sudani y'Epfo, CP Munyambo yari asanzwe afite ubunararibonye mu kazi ka gipolisi haba mu gihugu cyacu ndetse no hanze. Yakoze imirimo myinshi itandukanye muri Polisi y'u Rwanda. Yabaye umuyobozzi w'ishami rishinzwe ibikorwa bya polisi no gucunga umutekano w'abaturage, Yabaye kandi umuyobozzi w'Ishuri rya polisi y'u Rwanda rya Gishali (PTS) ndetse anayobora ishami rishinzwe ibikoresho muri Polisi y'u Rwanda n'ibindi.

Afite kandi ubunararibonye mu bikorwa by'ubutumwa bw'amahoro bw'Umuryango w'Abibumbye aho yakoze nk'umujyanama mu butumwa mu gihugu cya Liberia ndetse anayobora itsinda ry'abapolisi b'u Rwanda (RWFP) mu gihugu cya Haiti (MINUSTAH).

Kugeza ubu, Polisi y'u Rwanda ifite abapolisi barenga kuri 900 bari mu butumwa butandatu bwo kubungabunga amahoro mu bihugu bitandukanye.



Hamwe n'itsinda ry'abasirikare, abapolisi 70 berekeje mu butumwa bw'amahoro muri Sudan y'Epfo



Itsinda rigizwe n'abapolisi 70 berekeje Malakal muri Sudan y'Epfo mu butumwa bw'amahoro aho bagiye gufasha bagenzi babo 170 basanzwe bakorera muri ako gace.

Aba bapolisi bagiye bahawé impanuro n'umuyobozi mukuru wa Polisi y'u Rwanda, IGP Emmanuel K. Gasana mu cyumweru gishize, hamwe n'irindi tsinda ry'abapolisi 40 bazajya mu ntara ya Darfur muri Sudan, bakazakora nk'abakozi b'umuryango w'abibumbye, aho buri wese agira inshingano ze (Individual Police Officers), aho yabasabye ko bagomba gushyira hamwe kandi bagakora ibishoboka byose bagasoza ubutumwa bw'amahoro neza, aho bagomba gukora kinyamwuga kandi bakagaragaza isura nziza y'Ighugu cyacu cy'u Rwanda.

IGP Gasana yabasabye

guhesha isura nziza Igihugu, bakarangwa n'ubunyangamugayo, aho yagize, ati:" U Rwanda rwubatse izina rikomeye mu butumwa bw'amahoro bw'umuryango w'abibumbye, mugomba gusigasira iyi sura u Rwanda rufite mu kubungabunga amahoro, mukamenya ko ibyo mukora byose bigira ingaruka ku isura y'Ighugu. Murasabwa rero kugira ikinyabupfura aho muzaba muri hose."

Aba bapolisi bahagurukiye ku kibuga mpuzamahanga cy'indege cya Kigali, bari

kumwe n'abasirikare bagiye gusimbura abari basanzwe mu butumwa bw'amahoro bwa Loni muri Sudan y'epfo (UNMISS); basezewe na Komanda wa Brigade ya 201, Koloneli Aloys Ngoga Kayumba, wari kumwe na Assistant Commissioner of Police (ACP) Felix Bahizi Rutagerura uhagarariye ishami rya Polisi rishinzwe ubutumwa bw'amahoro.

Mbere y'uko burira indege, Col Kayumba yabwiye abapolisi n'abasirikare ko bagomba kubaha umuco w'ighugu bagiyemo, aho

yagize ati "mugomba kurangwa n'ikinyabupfura ku rwego rwo hejuru kandi ndizera ko nimubyubahiriza muzagaruka mu gihugu cyanyu n'ishema ryinshi".

Muri Sudan y'Epfo habairwaga abapolisi b'Abanyarwanda 170, ubu hiyongereyeho abandi 70 byatumye igihugu cy'u Rwanda kigira abapolisi 240 mu butumwa bw'amahoro muri Sudan y'Epfo (UNMISS)

Polisi y'u Rwanda yohereje bwa mbere abapolisi mu butumwa bw'amahoro mu mwaka wa 2005 muri Sudan, icyo gihe bakaba bari 49, kuva ubwo umubare w'abapolisi boherewa mu butumwa bw'amahoro bagiye biyongera, kandi bagakora akazi kaboneza aho boherejwe. Ubu abagera kuri 945 bakaba bari mu butumwa bwo kubungabunga amahoro mubihugu 7 bitandukanye.

"mugombakurangwan'ikinyabupfura ku rwego rwo hejuru kandi ndizera ko nimubyubahiriza muzagaruka mu gihugu cyanyu n'ishema ryinshi".

Umuyobozi wa Polisi ya Loni muri Sudani y'Epfo yasuye abapolisi b'u Rwanda bahakorera



Nyuma yo kugirwa umuyobozi wa Polisi ya Loni muri Sudani y'Epfo (D2), Commissioner of Police (CP) Bruce Munyambo, kuwa mbere tariki ya 7 Werurwe yatangiye gusura imitwe ya Polisi ikomoka mu bihugu bitandukanye yoherejwe muri Sudani y'epfo mu rwego rwo kubungabunga no kugarura amahoro muri icyo gihugu, akaba yarahereye ku bapolisi b'u Rwanda (FPU) bakorera ahitwa Malakal.

CP Munyambo akaba yari aherekejwe na CP Girmay Gebrekidan, akaba ari n'umwe mubo bakorana ba hafi (Police Chief of Staff), ndetse n'abandi bayoboziba Loni bakorera muri icyo gihugu.

Bakgera Malakal, bakiriwe na Assistant Commissioner of Police (ACP) Rogers Rutikanga, uyoboye Abapolisi b'u Rwanda (FPU) bakorera muri ako gace.

Uru ruzinduko rwa Commissioner Munyambo rukaba ruzakomereza mu yindi mitwe ya Polisi, rukaba rugamije kugenzura ubushobozi n'imikorere yabo, mu rwego rwo kureba niba bashobora guhangana n'ibibazo ibyo aribyo byose byavuka mu kazi kabko ko kubungabunga no kugarura amahoro muri Sudani y'epfo.

CP Munyambo yibukije abapolisi b'u



Rwanda impamvu nyamukuru bari muri ubwo butumwa, anabasaba gukomeza kwita ku nshingano zabo, batitaye ku ngorane bashobora kujya bahura nazo hato na hato.

CP Munyambo yagize ati: "Ntibyoroshye kumara umwaka mu kazi gasaba ubwitangc nk'aka, nta kiruhuko kandi muri kure y'imiryango yanyu. Ariko yaba u Rwanda, Loni na Sudani y'epfo, ibafitemo icyizere kuko ibi byose mwaje mwarabyiteguye kandi mwabonye amahugurwa ahagije kugira ngo mushobore guhangana n'ibibazo ibyo aribyo byose, no guhesha isura nziza igihugu cyanyu n'umuryango w'abibumbye muri rusange".

Nyuma yo kugezwaho ibyo Polisi y'u Rwanda (FPU) ikora n'ibyo yagezeho, CP Munyambo yagije gusura aho bamwe mu bapolisi b'u Rwanda bashinze ibirindiro muri ako karere, aho bashinzwe kurinda abantu

bagera ku 42 000 bakuwe mu byabo n'intambara, no gucunga umutekano w'ibiribwa n'ibikoresho by'ishuri byagene we izo mpunzi.

Ubu Polisi y'u Rwanda ikaba ifite abapolisi bagera kuri 240 muri Sudani y'epfo.

Aha kandi CP Munyambo yiboneye ko hafi ibuntu byose byasenytse ibindi birangizwa mu bushyamirane buheruka bwavutse hagati y'ubwoko bw'aba Dinkas na Nuers batuye akarere ka Malakal

Nyuma yaho, yagiranye inama n'abayobozi b'inzezo z'ibanze muri iyo nkambi aho yabakanguriye kugira ubufatanye, gukorera hamwe no gufatanya n'ingabo na Polisi bashinzwe kubarinda kugirango barusheho kugira umutekano usesuye.

Mu ijambu rye, umuyobozi wa FPU y'u Rwanda, ACP Rutikanga yahamije imikoranire myiza ndetse n'ubufatanye

burangwa hagati y'umutwe ayoboye n'izindi nzego zitandukanye bakorana umunsu ku wundi, anabasaba gukomereza muri uwo murongo.

CP Munyambo yakomereje kandi urugendo ahitwa Upper Nil, aho yahuye n'umuhuzabikorwa w'ako gace, Hazel De Wet. Hazel yashimiye ubufatanye, ingufu no gukorera hamwe birangwa hagati y'imitwe itandukanye igize Polisi y'Umuryango w'Abibumbye ikorera mu karere ka Malakal.

Komiseri Munyambo akaba yarasoje urugendo rwe ahura n'abakuriye ndetse na ba Ofisiye bakuru ba Polisi z'ibihugu bitandukanye bari mu butumwa bw'amahoro muri Malakal, maze abashimira akazi keza bakoze mu bihe bikomeye ako karere kanyuzemo.

Yarangije abizeza ko UNMISS izakomeza kubafasha mu bishoboka kugira ngo bashobore kurangiza neza inshingano zabo.

Urugendo rwe akaba yararukomerezaje i Bentiu mu majyaruguru y'icyo gihugu.



Kubaka ubunyamwuga bwa Polisi y'u Rwanda bisaba ko ihora ihugurwa - IGP Gasana



Umuyobozi mukuru wa Polisi y'u Rwanda IGP Emmanuel K Gasana yavuze ko Polisi y'u Rwanda yateganyirije abapolisi bayo amahugurwa yihariye, bikaba ari mu buryo bwo kubaka igipolisi cy'umwuga, bityo kikabasha guhangana n'ibyaha bikorwa muri iki gihe bijyanye n'iterambere isi igezeho.

Ibi yabivuze tariki ya 1 Werurwe, ubwo yasozaga amahugurwa y'amezi abiri mu ishuri rya Polisi y'u Rwanda rya Gishari (PTS) mu karere ka Rwamagana. Yahuje abapolisi 84 bazahugura bagenzi babo, bakaba barahawe ubumenyi mu byiciro bitatu byihariye: 25 bigishijwe ibijyanye no kurinda abayobozi, 32 bize ibirebana no guhosha imyigaragambyo no kugarura ituze naho 27 bo bigishwa ibyerekeleranye no gucunga umutekano wo mu muhanda.

IGP Gasana yagize ati: " Nyakubahaha Perezida wa Repubulika yavuze ko mu gihugu cyacu hari umutekano usesuye bityo rero Polisi y'u Rwanda igomba

guhora yiteguye kuwurinda. Ibi rero bizagerwaho ari uko amahugurwa nk'aya

abayeho kandi agakomeza gukorwa.

Avuga kuri ayo mahugurwa, IGP Gasana yashimangie ko intego yayo ahanini, iba ari ugutuma abapolisi bahora biteguye guhangana n'ikintu cyose cyahungabanya umutekano aho bari hose, ndetse no mu mahanga aho bari mu butumwa bw'amahoro. Yasabye abahuguwe guhora baharamira kwihugura kugira ngo barusheho kugira ubumenyi bwisumbuyeho.

Yagize ati: "mugomba guhora muharanira indangagaciro z'Ighihu, muba inyangamugayo kandi mukorera mu mucyo n'ubwitange".

Abahuguwe bazageza ubumenyi kuri bagenzi babo ku buryo buzagera kuri benshi.



Polisi y'u Rwanda yohereje abapolisi 23 mu butumwa bw'amahoro muri Sudani y'Epfo



Kuwa gatandatu tariki ya 5 Werurwe 2016 Umuyobozi mukuru wa Polisi y'u Rwanda IGP Emmanuel K Gasana yahaye impanuro abapolisi 23 berekeje mu butumwa bw'amahoro mu gihugu cya Sudani y'Epfo kucyumweru tariki ya 6. Abakora ku cyicaro gikuru cya Polisi y'u Rwanda ku Kacyiru. aho Umuyobozi mukuru wa Polisi y'u Rwanda yabwiye abo bapolisi kuzakora neza akazi kabo barangwa n'ishyaka kugira ngo bazaheshe ishema Igihugu cyabo.

IGP Gasana yababwiye ko guhesha isura nziza Ighugu bigomba kugaragarira mu bikorwa abapolisi bakora haba imbere mu gihugu ndetse no mu butumwa bw'amahoro hirya no hino. Yakomeje abasaba kwitanga mu kazi bita cyane ku nshingano zabo bityo bagatanga umusaruro ufatika.

IGP Gasana yamasabye kandi kuzarangwa n'ubufatanye bakorera hamwe, kugirana inama, no kuganira ku bibazo ibyo aribyo byose bahura nabyo, kandi bakihutira kubigeza ku buyobozi bwabo kugira ngo

bishakirwe umuti. Usibye aba bapolisi bahawe izi mpanuro zo kuzitwara neza aho bagiye mu butumwa bw'amahoro muri Sudani y'Epfo, Umuyobozi mukuru wa Polisi y'u Rwanda yakiriye n'abandi 15 basoje akazi kabo mubihugu bya Centrafrica, Haiti na Côte d'Ivoire

Uretse muri Sudani y'Epfo, u Rwanda rufite n'abandi bapolisi mu butumwa bwo kubungabunga amahoro mubihugu bya Côte d'Ivoire, Centrafrica, Intara ya Abyei, Darfur, na Haiti.

Polisi yagaruje ibikoresho by'abaturage byari byibwe

Polisi y'u Rwanda ikorera mu karere ka Kirehe umurenge wa Mahama, akagari ka Kamombo yafashe abajura bitwikiraga ijoro bakabomora amazu y'abaturage bakiba ibintu birimo.

Mu rukerera rwo mu ijoro ryo kuwa kane tariki ya 3 Werurwe nibwo agatsiko k'abantu binjiye mu maduka 2 y'uwitwa Frederic Nsanzimfura na Dany Bangambiki batobora inzu maze biba igare 1, Matora 2, na Radiyo ariko bose bakaba bafashwe uko ari 8.

Abakekwa gukora ubu bujura hakaba harimo uwitwa Mbutoyurukundo akaba ari nawe wafatanywe ibi bikoresho maze avuga abandi barafatwa ubu bakaba bafungiye kuri sitasiyo ya Polisi ya Mahama.

Umunyamabanga nshingwabikorwa w'umurenge wa Mahama Aderite Hakizamungu avuga ko ubujura nk'ubu butari bumenyerewe cyane uretse ko mu minsi yashize habayeho ubujura bwamatungo magufi n'inka ariko ubu bikaba byaracitse bigizwemo uruhare n'ubuyobozi

bw'inzego z'ibanze bufatanyije na Polisi n'abaturage.

Hakizamungu yavuze kandi ko ubujura nk'ubu ahanini bukorwa n'insoresore zifite hagati y'imyaka 18 na 20 usanga zikoresha imfunguzo zigafungura amazu y'abantu zikiba ibikoresho byo mu mazu.

Umuvugizi wa Polisi mu ntara y'ibusirasirazuba Inspector of Police (CIP) Emmanuel Kayigi yavuze ko kugira ngo aba bantu bafatwe habayeho ubufatanye bwa Polisi n'abaturage.

Akaba abasaba gukomeza kuba ijisho ry'umuturanyi nk'uko byagenze.

Abaturage ba Rusheshe barashima serivisi nziza bahabwa na Polisi y'u Rwanda



Abaturage batuye Rusheshe, mu Murenge wa Masaka, Akarere ka Kicukiro bishimiye serivisi nziza bahawen' imodoka ya Polisi ishinzwe kwakira no gukemura ibibazo by'abaturage ibasanze hafi y'aho batuye (Police Station Mobile Van), aho bakanguriwe akamaro ko gukumira ibyaha by'ihohoterwa rishingiye ku gitsina, kwirinda ibiyobyabwenge, icuruzwa ry'abantu ndetse n'ibindi byaha muri rusange.

SP Modetse Mbabazi yasabye aba baturage gufata iya mbere mu kurwanya ibyaha kugeza aho ubushobozibwabo bugarukira cyangwa bagasaba inzego zibishinzwe kubagoboka. Aha abaturage

CNLG irasaba guhuriza hamwe imbaraga mu kurwanya ingengabitekerezo ya Jenoside

Umunyamabanga Nshingwabikorwa wa Komisiyo y'Ighugu Ishinzwe kurwanya Jenoside(CNLG), Dr Jean Damascene Bizimana avuga ko hegeranyijwe imbaraga hagati y'abaturage n'inzego zishinzwe umutekano byagira akamaro mu guhangana n'ingengabitekerezo ya Jenoside n'ibindi byaha biyishamikiyeho.

Dr Bizimana yavuze ko kandi ibyagezweho kugeza ubu mu kuyirwanya no gufata abakoze Jenoside yakorewe Abatutsi muri 1994 ari ibyo kwishimira, ibi akaba yarabibwiye abapolisi ku itariki ya 12 Mata, mu biganiro byo kwibuka Jenoside yakorewe Abatutsi ku nshuro ya 22, ibiganiro byatangiwe ku cyicaro gikuru cya Polisi y'u Rwanda ku Kacyiru

Mu kiganiro cye, Dr Bizimana, yavuze ko ingengabitekerezo ya jenoside ifite imizi mu myaka ya za 1957 aho abanyapolitiki, impuguke n'abanyamakuru bayigishaga bakayobia ubwonko bw'Abanyarwanda.

Yagize ati:"Byafashe igehe kinini kwigisha abaturage bageze aho bakora Jenoside muri 1994 ni nayo mpamvu nyuma y'imyaka 22 tukirwana nabyo ariko ni uguromeza kwigisha ingaruka zayo kandi tugakomeza ubufatanye mu kuyirwanya."

Yagaragaje ingamba Polisi yakwitaho mu gutanga umusanu mu kurwanya ingengabitekerezo ya jenoside, imwe muri zo akaba ari ukumva icyo ari cyo neza, uko yigaragaza n'itegeko riyihana haba mu Rwanda no hanze yarwo.

Yagize ati:"Uko amadosiye y'abayikekwaho akorwa nabyo byorohereza kuyashinja, mugomba kandi kugira ubumenyi kuri yo no guhiga no gufata abakurikiranyeho gukora

Jenoside bakidegembya ku isi hose."

Yavuze ko n'ubwo ingengabitekerezo ya Jenoside igenda igabanuka ariko igenda igaragara mu bitekerezo bigenda bitwangwa ku nyandiko n'amakuru bivuga kuri Jenoside


Yagize ati:"Nidushyirahamwe twese, abafite ibitangazamakuru n'inzego z'umutekano, tuzashyiraho ingamba zo kurwanya ibantu nk'ibyo, cyangwa hashyirweho uburyo bwo kuba kugaragara ibyo bitekerezo bibi kugirango bitaroga rubanda

Yaboneyeho umwanya wo gushimira ubufatanye bwa Polisi y'u Rwanda na Polisi z'ibindi bihugu mu guta muri yombi abakekwaho gukora Jenoside, avuga ko ubufatanye nk'ubwo ari ngombwa kugirango ingengabitekerezo ya Jenoside

ikwirakwizwa n'abo basize bakoze Jenoside bari mu mahanga itagera no mu Rwanda.

Ikiganiro kandi cyari kitabiriwe n'Umyobozi w'impuzamashyirahamwe y'imiryango iharanira inyungu z'abarokotse Jenoside yakorewe Abatutsi "IBUKA" Dr Dusingizemungu Jean Pierre, wasabye ko hakomeza kuvugurura amategeko ahana ingengabitekerezo ya Jenoside.

Akaba yagize ati:"Uko dushyiraho ingamba zo kurwanya ingengabiekerezo ya Jenoside, abayipfobya nabo bashyira imbaraga nyinshi mu kuyipfobya no kuyihakana, bityo rero kugirango batsindwe ni ugukomeza kuvugurura amategeko ahana iyo ngengabitekerezo ya Jenoside.



banaboneyeho kugeza kuri polisi ibibazo byabo n'ibiyifizo.

SP Mbabazi yagize ati "Abanyarwanda ubu basigaye bazi akamaro ko gufatanya n'inzezo z'umutekano mu gukumira ibyaha no gutangira amakuru ku gihe, ibi bifasha cyane izo inzezo kandi mugomba gukomerezaho ntimucike intege."

SP Modeste yabakanguriye kwirinda no kurwanya ibiyobyabwenge kuko ari byo nyirabayazana y'ibyaha bitandukanye, yanabonye umwanya wokubabwira bimwe mu biyobyabwenge bikunze gukoreshwa harimo nk'urumogi, kanyanga, inzoga z'inkorano zizwi ku mazina ya muriture, ibikwangari n'ibindi.

Yagize ati" ingaruka zo gukoresha ibiyobyabwenge ntabwo zikora ku babinywa gusa, zigera no ku muryango nyarwanda muri rusange, niyo mpamvu tubasaba kugira umuhate mu kubirwanya mwivuye inyuma duhereye ku rubyiruko kuko arirwo rubikoresha cyane"

SP Mbabazi avuga ko ikoreshwa ry'ibiyobyabwenge mu rubyiruko ariyo soko y'ubujura n'ihohotera, yongera abasaba ko bagomba guhuriza imbaraga hamwe bagahashya ibi byaha. Yongeyeho ko bagomba kumenyesha inzezo z'umutekano aho ibyo biyobyabwenge bikorerwa ndetse n'abacicuruza.

SP Mbabazi kandi yari aherekejwe na IP Angelique Mukamwezi wo mu ishami rya Polisi rishinzwe kurwanya ihohoterwa rishingyiye ku gitsina, nawe wasabye abaturage ba Rusheshe gukumira ihohoterwa rishingyiye ku gitsina batangira amakuru ku gihe kugira ngo abakora icyi cyaha bakurikiranwe ndetse bahanwe n'amategeko.

Nsabiyumva Damien, umuturage wa Rusheshe yashimye serivisi zitangwa n'imodoka ya Polisi yakira ibibazo by'abaturage asaba abaturage bagenzi be kuba abafatanyabikorwa beza ba Polisi mu gukumira ibyaha.

Ababyeyi n'abayobozi barasabwa gukomeza ingamba zo kwita ku burenganzira bw'abana

Nk'uko Leta y'u Rwanda yashyizeho ingamba zo kurinda abana ihohoterwa, Polisi y'u Rwanda irakangurira abayobozi b'inzezo z'ibanzo n'abayeyi gukomeza izo ngamba.

Ubu butumwa bwatanzwe na Polisi y'u Rwanda kuwa kane tariki ya 10 Werurwe, nyuma y'aho hari umwana w'umukobwa w'imyaka 12 ukomoka mu karere ka Burera wataye ishuri, akaza gushaka akazi ko gukora mu rugo mu karere ka Rulindo, Umurenge wa Base, nyuma y'umwaka umwe akisanga yatewe inda n'umusore wogosha. Ubu uyu mwana akaba ari kwitabwaho n'ikigo Isange One Stop Center gikorera mu bitaro bya Polisi biri ku Kacyiru.

Ni muri urwo rwego itsinda ry'abapolisi baturutse Kacyiru ryajyanye imodoka ikora nk'ibiro ndetse ikanakira ibirego by'abaturage izwi nka "Mobile Police Station Van" muri uwo murenge wa Base ngo ryigishe abaturage uburenganzira bw'umwana.

Superintendent of Police (SP) Modeste Mbabazi wari waturutse mu ishami ry'ubugenzacyaha (CID), yasobanuriye abaturage b'umurenge wa Base ko Leta y'u Rwanda yashyizeho ingamba nyinshi mu kubahiriza uburenganzira bw'umwana, harimo kwigira amashuri 12 y'ibanzo ubantu, bityo bikaba bidakwiye ko hari umwana wavutswa uburenganzira bwo kwiga.

Yakomeje avuga ko hashyizweho gahunda y'ubwisungane mu kwivuza, Gir'inka n'izindi, izi zose zigamije gutuma umunyarwanda abaho neza; ariko hakaba hakiri abantu bamwe n'imiryango imwe n'imwe idashyira izo gahunda mu bikorwa, ari nayo itita ku burenganzira



bw'umwana.

SP Mbabazi yabwiye abaturage ba Base ko mu gace kabo hagaragaramo ikoreshwa ry'ibiyobyabwenge n'inzoga zitemewe, ibyo byose bigatuma habaho ibikorwa by'ihohoterwa mu miryango no kutita ku bana. Yagize ati: "Murasabwa kwirinda ihohoterwa iryo ariyo ryose rigaragara mu miryango yanyu, mugatanga amakuru y'abahungabanya uburenganzira bw'umwana".

Twahirwa Phocas, umwe mu baturage b'uwo murenge watanze ikirego eye, yagize ati" ndashimira iyi serivisi nziza Polisi yaduhaye, mbere nari mfite ibibazo kubera kwitinya singane inzezo zibishinzwe, ariko ubu ikibazo cyanje nagitanze kandi nizeye ko kizakemuka, kandi nahawе на

nimo haramutse havutse ibindi bibazo nahamagara nkabamenyesha".

Twahirwa yashimye inama Polisi idahwema kubagira, anayizeza ko bagiye gukorana bya hafi n'abayobozi b'inzezo z'ibanzo, bagashishikariza abantu kwita ku burenganzira bw'umwana ubirenzezo agashyikirizwa inzezo zibishinzwe.

Ibi biganiro byari byanitabiriwe na Inspector of Police (IP) Angelique Uwamwezi, nawe wari waturutse mu ishami ry'ubugenzacyaha (CID), IP Emmanuel Dusengimana ushinzwe imikoranire hagati ya Polisi y'u Rwanda n'abaturage, n'umuyobozi w'akarere ka Rulindo wungirije ushinzwe imibereho myiza y'abaturage Claire Gasanganwa.

Isange Mobile Clinic yasuye abaturage ba Rwamagana

Kuwa kabiri tariki ya 22 Werurwe, Kitsinda ry'abapolisi baturutse ku cyicaro gikuru cya Polisi kiri ku Kacyiru ryajyanye imodoka ikora nk'ibiro ndetse ikanakira ibibazo by'abaturage bijyanye n'ihohoterwa izwi nka "Isange Mobile Clinic" mu murenge wa Musha akarere ka Rwamagana, rikangurira abaturage b'utugari twa Nyabisindu, Kabare na Kagarana ububi n'ingaruka z'ihohoterwa rikorerwa mu ngo, irikorerwa abana ndetse n'ibiyobwenge.

Iyi gahunda yo gusura uyu murenge bayifashe nyuma y'aho bigaragaye ko muri uyu murenge hari abantu bishora mu ikoreshwa ry'ibiyobyabwenge nabyo bigatuma bishora mu ihohoterwa rishingiye ku gitsina, irikorerwa mu ngo n'irikorerwa abana naryo rigaragara muri uyu murenge.

Umuyobozi wungirije mu ishami ry'ubugenzacyaha muri Polisi y'u Rwanda (CID) Assistant Commissioner of Police (ACP) Morris Muligo, yasobanuriye abaturage b'umurenge wa Musha ko Polisi y'u Rwanda yahagurukiye ikibazo cy'ihohoterwa ikaba ikaba itazihanganira urikora n'ikiritera icyo aricyo cyose, akaba yagize ati:"u Rwanda ruruhuta mu iterambere, ariko iringo terambere ntirayerwaho hari abahohotera abandi, n'abanywa ibiyobyabwenge, buri wese arasabwa kurwanya ibi byose kuko ari

umwanzi w'iterambere n'umutekano."

ACP Muligo yabwiye abari aho kizira gukubita no gufata ku ngufu uwo ariwe wese, kunywa no guceruza ibiyobyabwenge, guhishira umunyacyaha, abasobanurira ingamba na gahunda zashyzeweho na Leta ngo abaturage bagire ubuzima bwiza zrimo kwigira amashuri 12 y'ibanze k'ubuntu, gahunda y'ubwisungane mu kwivuza, Girinka n'izindi.

Yasoje avuga ko muri uyu

murenge hagaragaramo ikoreshwa ry'ibiyobyabwenge n'inzoga zitemewe, ababinyoye bakishora mu gusambanya abana nabo bagasama inda zitateguve bakiri bato.

Cyimpaye Solange, umwe mu baturage b'uwo murenge wagejeje ikibazo cye mu Isange Mobile Clinic, yashimye Polisi aho yagize ati:" ndashimira iyi serivisi nziza Polisi yaduhaye, mbere nari mfite ibibazo kubera kwitinya singane inzego zibishinzwe, ariko ubu ikibazo cyanje nagitanze kandi nizeye ko kizakemuka".

Nyuma y'ibi biganiro, haburanishijwe mu ruhame abantu bagera ku 8 bakomoka muri uyu murenge wa Musha bafatiwe mu byo kwenga no guceruza ibiyobyabwenge.



Abatwara abagenzi kuri moto bo muri Rulindo na Kirehe basabwe kuba 'ijisho ry'umutekano'

Kuwa 18 Werurwe, Polisi y'u Rwanda yagiranye inama n'abakora umwuga wo gutwara abagenzi kuri moto bagera kuri 300 ibakangurira kuba 'ijisho ry'umutekano', ibi bikaba bishatse kuvuga kwirinda ibyaha no kuba abafatanyabikorwa ba Polisi y'u Rwanda mu kubirwanya no kubikumira.

Abakora uyu mwuga bo muri Kirehe bahawe ubu butumwa bagera kuri

200 naho abo muri Rulindo bakaba barageraga ku 100.

Abo muri Rulindo babuherewe mu kagari ka Base, ho mu murenge wa Base n'umuyobozi wa Polisi y'u Rwanda muri aka karere, Senior Superintendent of Police (SSP) Felix Bizimana; naho abo muri Kirehe babuherewe mu kagari ka Nyabikokora, ho mu murenge wa Kirehe na Superintendent of Police (SP) James Rutaremara, akaba na we ayobora Polisi

y'u Rwanda muri aka karere.

Aganira n'abo muri Rulindo, SSP Bizimana yababwiye ati:" Mutwara abantu b'ingeri nyinshi; kandi muri bo hashobora kubamo abanyabyaha. Murasabwa kuba ijisho ry'umutekano aho muri hose. Ntimugomba gushishikazwa gusa n'amafaranga ngo mwibagirwe ko umutekano usesuye ari wo utuma



Yakomeje ababwira ati:"Igihe mutwaye abagenzi; mukwiye kurangwa n'amakenga kugira ngo hato mudatwara abagiye gukora ibyaha cyangwa abafite ibantu bitemewe n'amategeko, kandi igihe mutahuye ko uwo mutwaye ndetse n'undi muntu wese afite ibantu bitemewe cyangwa agiye gukora ibikorwa binyuraniye n'amategeko mugahita

mubimenyesha Polisi y'u Rwanda."

SSP Bizimana yababwiye na none ati:" Hari bamwe muri bagenzi banyu bajya bafatwa bahetse ibiyobyabwenge nk'urumogi na Kanyanga kuri moto zabo cyangwa bazihetseho abafite. Mukwiye kubyirinda kandi mugaha Polisi y'u Rwanda amakuru y'ababikora."

SP Rutaremara yabwiye abakora uyu

mwuga bo muri Kirehe ati:"Umwuga wanyu utuma mubasha kugera ahantu henshi. Aho muri hose mukwiye kwirinda ikintu cyose kinyuranyije n'amategeko kandi mukagira uruhare mu kukirwanya no kugikumira."

Yabasabye kwirinda ibiyobyabwenge byose aho biva bikagera kandi bagaha Polisi y'u Rwanda amakuru y'ababinywa, ababitunda, ndetse n'ababiciruza.

SP Rutaremara yababwiye kandi kubahiriza amategeko n'amabwiriza by'umwuga wabo kugira ngo birinde gukora cyangwa guteza impanuka mu muhanda. Akaba yarababwiye ati:"Ntimugakorere ku jisho. Mujye mwibuka ko muba mutwaye abantu. Niyo haba nta mupolisi uri mu cyerekezo muri kujujamo, mugomba kubahiriza amategeko y'umwuga wanyu."

Umuyobozi w'akarere ka Kirehe wungirije ushinzwe ubukungu, Nsengiyunva Jean Damascène yasobanuriye abo bamotari ko umutekano ari inkingi ya mwamba y'iterambere rirambye; maze abasaba kwirinda no kurwanya ikintu cyose gishobora kuwuhungabanya.

Yashimye Polisi y'u Rwanda muri aka karere ku nama yagiriye abo bakora uyu mwuga; kandi abasaba kuzikurikiza uko zakabaye.

POLISI Y'U RWANDA KURI TWITTER

Byiringiro Olivier @ByiringiroOliv4 · 15h
@CityofKigali @Rwandapolice @MukarulizaM Murakoze kudushyiriraho Imirongo yo guhamagara, ariko noneho Kimicanga hakenewe ingufu,

gahigi · 15h
ibi babyita kuba umunyamwuga, icyubahira cyinshi kuri @Rwandapolice akazi kanyu turagashima. wakoze @JeanClaudeGaga

Rwanda Police @Rwandapolice · Feb 10
Polisi y'u #Rwanda yinjiye mu rugamba rwo kurwanya Malaria. police.gov.rw/rw/detail-view...

Remera Sector · 15h
@Yves_Nkunda @Rwandapolice natwe turashimira Police y'u #Rwanda yo yaje kuduhugurira abana kuko nibo bayobozi bejo

@rwandapolice mukomereze aho ntabwo mwarinda umutekano w'ibyo dutunze ngo munanirwe kurandura malariya. Turabizeye cyan!

Cyprianhaha · 15h
@Rwandapolice nibyiza kabisa I nibyo bakwiye kubilbirwa!!!!!!

Min. Infrastructure @RwandaInfra · Feb 10
@RwandaInfra irizeza gukomeza ubufatanye na @Rwandapolice muri gahunda yo kugenzura ko umuvuduko ntarengwa wagenwe wubahirizwa.

Polisi y'u Rwanda yafashe umutekamutwe wiwitiriraga Abayobozi

Ku itariki 16 Werurwe, Polisi y'u Rwanda yeretse itangazamakuru umugabo wamburaga abantu amafaranga akoresheje umurongo wa terefone w'ikigo cy'itumanaho cya MTN-Rwanda, igikorwa cyabereye ku cyicaro gikuru cya Polisi y'u Rwanda.

Uwimanimpaye Jean Damascène w'imyaka 33 y'amavuko, yeretswe Itangazamakuru nyuma yo gufatirwa mu Karere ka Rubavu, mu gikorwa cyo kumushakisha Polisi yari irimo igenza icyaha yari yaregewe n'abo yatetseho umutwe.

Asobanura uko yabigenzaga, Uwimanimpaye yagize ati: "Najaga ku mbuga za murandasi zinyuranye, nkareba imyironndoro y'abantu bakoze ibizamini by'akazi, hanyuma nkabahamagara mbizeza ko nzabahesha akazi basabye, ariko na none nkababwira kunyohererera amafaranga kuri konti yanje ya Mobile Money kugira ngo nkabaheshe. Ibyo byose nabikoraga niyita umukozi w'ikigo basabye akazi."

Yakomeje avuga ko muri ibyo bikorwa byo guhamagara abantu yakoreshaga umurongo wa terefone ubusanzwe utagaragaza umuntu uri guhamagara (Private number).

Uwimanimpaye yavuze ko uwo murongo yawuguze ibihumbi 20 by'amafaranga y'u Rwanda n'umugabo wakoreraga MTN-Rwanda witwa Sadiki Saruhara.

Yabwiye ibitangazamakuru byari aho ko mu gihe cy'amezi agera kuri abiri yari amaze akora ibyo bikorwa yatetse iyo mitwe ku bantu benshi; ariko abasha kwambura gusa babiri muri bo ibihumbi 400 by'amafaranga y'u Rwanda.

Yagize ati: "Abo bombi nabambuye ariya mafaranga mbabwira ko ndi umukozi wa Minisiteri y'umutekano mu gihugu (MININTER), kandi nk'uko nabigenzaga



no ku bandi; nabasezeranyaga ko nzabahesha akazi bari bapiganiye."

Uwimanimpaye yagiriye abandi inana yo kwirinda ibyo bikorwa kandi bagatanga amakuru y'ababikora.

Umuvgizi wa Polisi y'u Rwanda, Assistant Commissioner of Police (ACP) Celestin Twahirwa yagize ati: "Uyu ni umwe mu biyitirira inzego z'ubuyobozi; maze bagacuza abantu ibyabo bakoresheje uburyo bw'uburganya butandukanye."

Yakomeje agira ati: "Akazi gatangwa mu buryo buzwi. Uwagusaba ikiguzi runaka akwizeza ko yakuguha cyangwa ko yagufasha kukabona uba ukwiye guhita ubona ko ari umutekamutwe ugamiye kugucuza utwawe."

ACP Twahirwa yagize na none ati: "Abantu bakwiye kwirinda ibyaha aho biva bikagera kandi bagatanga amakuru ku gihe y'ababikoze ndetse n'abafite imigambi yo kubikora."

Yasabye kandi ibigo by'itumanaho

gushyiraho ingamba zatuma imirongo yabyo ya terefone idakoreshwa mu buryo bunyuranije n'amategeko.

Ingingo ya 318 y'igitabo cy'amategeko ahana y'u Rwanda ivuga ko umuntu wese, abigiriye kwambura ikintu icyo ari cyo cyose cy'undi, agatuma bakimuha ari uko akoresheje amayeri y'ubwambuzi, wiwitirira amazina atari yo cyangwa imirimo adafitiye ububasha cyangwa agira ngo yizeze icyiza cyangwa atinisyise ko hari ikizaba kibi maze akambura undi imari ye yose cyangwa igice cyayo, ahanishwa igifungo kuva ku myaka itatu (3) kugeza ku myaka itanu (5) n'ihazabu y'amafaranga y'u Rwanda kuva kuri miliyoni eshatu (3.000.000) kugeza kuri miliyoni eshanu (5.000.000).

Iyi ngingo ikomeza ivuga ko iyo icyo cyaha cyakozwe n'umuntu kugira ngo atange impapuro z'inyemezamigabane, z'inyemezamyenda, inyandiko zigereranywa n'amafaranga, imigabane cyangwa indi nyandiko yose ifite agaciro k'ifaranga ari ibya sosiyete, ari iby'ubucuruzi cyangwa iby'inganda, ahanishwa igifungo kuva ku myaka itatu (3) kugeza ku myaka itanu (5) n'ihazabu y'amafaranga y'u Rwanda kuva kuri miliyoni eshanu (5.000.000) kugeza kuri miliyoni icumi (10.000.000).

Ivuga na none ko mu gihe ibyaha biteganyijwe mu gika cya mbere cy'iyi ngingo bikozwe n'umwe mu bashyingiranywe, uwabitwaye ategekwa kubisubiza.

"Abantu bakwiye kwirinda ibyaha aho biva bikagera kandi bagatanga amakuru ku gihe y'ababikoze ndetse n'abafite imigambi yo kubikora."

Kayonza: Abahoze ari abana bo mu muhanda biyemeje gufatanya na Polisi y'u Rwanda kurwanya ibyaha

Ushinzwe imikoranire ya Polisi y'u Rwanda n'abaturage ndetse n'izindi nzezo hagamijwe ubufatanye mu kurwanya no gukumira ibyaha mu karere ka Kayonza Inspector of Police (IP) Eraste Niyibizi, kuwa gatatu taliki ya 2 Werurwe 2016, yagiriye uruzinduko mu kigo gikusanyirizwamo urubyiruko ruvanwa mu muhanda ngo rugororwe kiri mu murenge wa Rukara mu karere ka Kayonza.

Mu kiganiro IP Niyibizi yagiranye n'abagera kuri 91, yababwiye ati: "N'ubundi sinshidikanya ko mwari musanzwe muri abafatanyabikorwa ba Polisi y'u Rwanda mu kurwanya no gukumira ibyaha nk'uko buri munyarwanda wese akwiye kuba ameze, ariko buri umwe muri mwe yabikoraga ku giti cye. Ubu ubwo mubyiyemeje muri hamwe bizatumu murushaho kubikora neza."

Yababwiye ko kurwanya no gukumira ibyaha byatangira bubahiriza amategeko agenga ikigo barererwamo kuko ari ingenzi kugirango babe intangarugero kuri bagenzi babo bagituriye.

IP Niyibizi yababwiye kandi ko , nk'abyemeje gufatanya na Polisi mu gukumira no kurwanya ibyaha, kujya barangwa n'amakenga mu gihe babonye ikintu kibi kidasanze kandi abasaba kujya bahita bamenesha Polisi ibegereye n'ubuyobozi bwabo igihe batahuye ko cya kintu gishobora guhungabanya umutekano.



Yabasobanuriye kandi ibyiza byo kuba mu kigo nk'iki aho yagize ati: "Ibyigirwa mu matsinda nk'aya yo kurwanya ibyaha, bibafasha gukurana indangagaciro z'ubunyarwanda no gukura neza muri rusange, kuko mushobora kuzavamo abayobozi b'ejo".

Yarangije abasobanurira imikorere y'abagize ubuyobozi bwitsinda ryabo, anabasaba kuzakorana neza n'ubuyobozi

bw'ikigo barererwamo ndetse n'abo bashinzwe guha ubukangurambaga aribo bagenzi babo, kandi abagaragariza inshingano za buri wese ku rwego rwe.

Uru rubyiruko rwose uko rwitabiriye iki kiganiro rwiyemeje guhinduka no gufatanya na Polisi ndetse n'izindi nzezo mu gukumira no kurwanya ibyaha ndetse no gutanga amakuru ku kintu cyose giteye amakenga bazabona.

FACEBOOK

 **Munyemana Desire MBEGA ABANTU BASHAKA KUDUSUBIZA INYUMA MWITERAMBEREIREGASA IMISORO NIYO IVAMO IRITERAMBERE TUBONA,GUSAKA KUTAYITANGA RERO NUKWIFURIZA URWANDA GUSUBIRA INYUMA!UWOBITEKEREZAGA WESE YISUBIREHO RWOSE KUKO POLISI yurwanda iri maso.**
Like · Reply · Message · March 29 at 7:03pm

 **Mawazo Emmy Twahirwa** dushimiye nyakubahwa president wa republika yurwanda kuruwo mwanya yafashe wokuganira ninama nkuru ya police twizeyeko baganiye byinshi byingira kamaro
Like · Reply · Message · 11 hrs

 **Munyemana Desire**
March 29 at 5:45am
polisi yurwanda twishimira uburyo ihora ishakisha icyaricyose cyatuma umunyarwanda abaho mu mahoro n'umutekano,kd ubufatanye n'abaturage mugira butwereka ko muduga agaciro kanini.polisi yurwanda tubifurje gutera imbere nokwamarara kwisi yose mubikorwa byindashyikirwa.murakoze

 **Mawazo Emmy Twahirwa** nibyo rwose ababyeyi bagomba gufata iyambere mukwita kubana babo barberira ibibashika mukiruhuko
Like · Reply · Message · March 29 at 8:43pm

 **Munyemana Desire DUSHIMYE POLISI YURWANDA KURIZIMPAANO IHAYE ABABYEYI NTAMPAMVU YOGUTERERA IYO NGO UMWANA YIGIRE MUNGESO MBI ZITANDUKANYE.**

Imikorere myiza y'ikigo cya Polisi y'u Rwanda gipima ubuziranenge bw'ibinyabiziga igira uruhare mu kwirinda ruswa

Mu Rwanda ruswa ifatwa nk'umuziro, Polisi y'u Rwanda nayo ikaba itihanganira ruswa yaba uytanga n'uyihabwa.

Kimwe mu bigo bya Polisi byashyizeho ingamba zo gukumira no kurwanya ruswa, ni ikigo cya Polisi gipima ubuziranenge bw'ibinyabiziga, imikorere y'iki kigo ikaba idaha agahenge uwagerageza gutanga ruswa ngo akorerwe ibitemewe n'amategeko.

Nubwo hashyizweho ingamba zitandukanye ariko ngo hirinde ruswa, ntihabura abayifatirwamo cyangwa abahamagara abatunze ibinyabiziga bakabaka amafaranga bizeza ko babafasha kubona serivisi zitangwa n'iki kigo mu buryo bunyuranyije n'amategeko kandi vuba.

Umuyobozi w'iki kigo Chief Superintendent of Police (CSP) Emmanuel Kalinda yamaganye ibikorwa nk'ibi aho yagize ati:"Tujya twumva ko hariabantu bamwe biyitirira ko bakorana na Polisi cyangwa abahuza, bakizeza abatunze ibinyabiziga ko nibaza bakabaha amafaranga babafasha kubona ibyo bakeneye nubwo imodoka zabo zaba zitijuje ubuziranenge, Polisi y'u Rwanda nta bantu nkabo ifite, abo ni abashaka kurya utwabo no guhesha isura mbi iki kigo."

Kuri ubu iki kigo gikoresha ikoranabuhanga imirimo yose ikorerwamo hagamijwe imikorere myiza no guca akarengane.

Nk'urugero, ubu umuntu uzanye imodoka ye akurikirana ibiyikorwaho byose aho iyicariye akabikurikiranira kuri za televiziyo zashyizwe aho bategerereza no hirya no hino muri iki kigo.

Nk'uko bitangazwa na CSP Kalinda, mu kwezi kumwe hamaze gufatwa abantu 13 bamwe bakekwaho kwiyitirira ko bakorana na Polisi abandi bakekwaho gushaka guha ruswa abapolisi basuzuma ubuziranenge bw'ibinyabiziga ngo babahe ibyo batemerewe n'amategeko.

Akaba yagize ati"Babiri muri aba bafashwe kuwa gatanu ushize, bafatirwa hano ku kigo gipima ubuziranenge bw'ibinyabiziga, undi akaba yari yafashwe ku munsi wabanje ashaka gushaka guha ruswa y'ibihumbi 15 umupolisi ngo amuhe



icyangombwa cy'uko imodoka ye yujuje ubuziranenge."

Akaba yavuze ko bamwe muri aba bafashwe kubera televiziyo zashyizwe muri iki kigo abandi bakaba bararezwe na bagenzi babo.

CSP Kalinda yagaye abatwara ibinyabiziga bashaka guha ruswa abapolisi kuko bo bazi ububi bwayo batazayifata ahubwo bazajya bahita babata muri yombi, aboneraho no kubabwira ko nta mpamvu yo kuyitanga kuko serivisi z'iki kigo ziboneka ku buryo bworoshye, aho yagize ati:"Nta mpamvu yo gushaka gutanga ruswa kuko dukora kuva kuwa mbere kugeza kuwa gatandatu kuva saa kumi n'imwe za mu gitondo kugera saa kumi n'ebiye za nimugoroba, gupima ikinyabiziga bitwara iminota 5 kandi iyo utubwiye ko ufite impamvu zituma wihuta cyangwa urwaye turagufasha ugapimisha mbere."

Yanasabye abatunze ibinyabiziga kujya babyizanira bo ubwabo cyangwa bagahamagara ku 0788311512 bagakurikiranira imipimirwe y'imodoka zabo.

Iki kigo gitangira imirimo yacyo mu 2008 cyari gifite imirongo 2 ifite ubushobozzi bwo gupima imodoka 150 ku munsi, ariko ubu gipima hafi 800, ibi bikaba byaratewe n'uko hashyizweho umurongo wa 3, ikigo

gipima ubuziranenge kiri mu ishuri rya Polisi riri i Gishari ndetse hanashyizweho n'imodoka ifite ibikoresho bipima ubuziranenge ijya gupimira imodoka mu bice bitandukanye by'igihu.

Mu mezi 2 y'yu mwaka gusa, hakaba hamaze gupimwa imodoka 17094, ikindi kandi ni uko hari n'imodoka z'inyamahanga zipimirwa muri iki kigo.

Umwu mu baje gupimisha ubuziranenge bw'ikinyabiziga cye witwa Carol Uwase yishimiye imikorere y'iki kigo aho yagize ati:"Ni ubwa mberer nari nje gupimisha imodoka yanje kuko najyaga ntekereza ko biba bitoroshye, ariko ibyo mbonye hano bitandukanye n'ibyo natekerezaga. Dore nk'ubo niyicariye aha ngakurikiranira ibikorwa kuri izi televiziyo, ndareba igihe ndibugererweho n'imodoka zisigaye ngo ngerweho."

Kugeza ubu Polisi ikaba iri kubaka undi murongo i Remera ukazatangira gukoreshwa mu mpera z'ukwezi kwa 5.

CSP Kalinda yavuze kandi ko Polisi ifite gahunda yo gupima ubuziranenge bw'ibinyabiziga ikoresheje ikoranabuhanga ku buryo uzajya ushaka gupimisha imodoka ye bitazajya bimusaba kuza gutonda umurongo ku kigo i Remera kuko bizajya bikorerwa aho waba uri hose hakoreshejwe iryo koranabuhanga.

Ubukangurambaga bwo kurwanya ibyaha burakomeje mu mashuri

Polisi y'Igihugu yakomeje ubukangurambaga bwo guhashya ibyaha mu bigo by'amashuri mu turere twa Nyagatare, Gatsibo ndetse na Ngororero.

Ubu bukangurambaga bugamije gukangurira urubyiruko kugira uruhare mu gutangira amakuru ku gihe no gukumira ibyaha bitaraba ngo bategure ejo hazaza habo heza.

Mu Karere ka Nyagatare Polisi yigishije abanyeshuri 427 biga muri Bright Academy ndetse n'abari mu babo 2. Aba banyeshuri basabwe kuba abafatanyabikorwa mu kurwanya ibiyobyabwenge mu rubyiruko ndetse no kurwanya ihohoterwa aho rivarikagera.

Inspector of Police (IP) Jean Claude Kaburabuza ushinzwe imikoranire ya Polisi y'u Rwanda n'izindi nzego hagamijwe ubufatanye mu kwicungira umutekano muri aka karere yagize ati" urubyiruko rufite uruhare runini mu kurwanya no gukumira ibyaha, niyo mpamvu tubakangurira kuba abafatanyabikorwa ba Polisi mutangira amakuru ku gihe ndetse munakumira ibyaha igihe bitaraba".

IP Kaburabuza yari aherekewe n'ushinzwe umutekano wo mu muhanda Inspector of Police (IP) Jean Claude Ndamage nawe wasabye abanyeshuri kwirinda impanuka bubahiriza amategeko y'umuhanda, birinda gukinira mu nzira nyabagendwa no kubanza gushishoza



mbere yo kwambukiranya imihanda.

Aba banyeshuri basoza banashinze ihuriro rishinzwe gukumira no kurwanya ibyaha (Anti-crime club), aho bashyizeho Innocent Zawadi nk'umukuru w'iri huriro.

Mu Karere ka Gatsibo Polisi yahuye n'abanyeshuri 481 bo mu ishuri ry'isumbuye rya Gasange baganira ku ngamba zafatwa mu gukumira ibiyobyabwenge.

Aha Inspector of Police (IP) Roger Rwakayiro ushinzwe imikoranire ya Polisi y'u Rwanda n'izindi nzego hagamijwe ubufatanye mu kwicungira umutekano muri aka karere yagize ati" tugomba kurwanya no gukumira ibiyobyabwenge kuko aribyo bikurura ibindi byaha harimo nk'ubujura, uwobicanyi, ihohotera ndetse n'ubujura.

IP Rwakayiro yongeyeho kandi ko ibiyobyabwenge ari ntandaro ituma

abakobwa bakiri bato batwara inda z'indaro, abasaba kwirinda kubikoresha ahubwo bakagaragaza ababigurisha bakanatungira Polisi agatoki k'aho bikorerwa.

Ubu butumwa kandi bwahawen n'abanyeshuri biga mu rwunge rw'amahuri i Mahembe aho Senior Superintendent of Police (SSP) Marc Gasangwa, Umuyobozi wa Polisi mu Karere ka Ngororero yaganiriye n'abanyeshuri 435 aberekwa uruhare rwabo mu bufatanye na Polisi y'Igihugu mu guhashya ibyaha anabereka ingaruka mbi zo gukoresha ibiyobyabwenge.

Aba banyeshuri kandi baganirirje ku birebana n'ihohoterwa rishingiye ku gitsina, ndetse banabwirwa ku birebana n'imikorere y'ikigo Isange One Stop Center gishinzwe gutanga ubufasha ku barikorewe.



ISANGE ONE STOP CENTER

Hamagara kuri: 3519

Musanze: Polisi y'u Rwanda yakanguriye abanye-shuri ba G.S Cyuve kurwanya icuruzwa ry'abantu

Polisi y'u Rwanda yagiranye ikiganiro n'abanyeshuri bo mu rwunge rw'amashuri rwa Kabera na Cyuve ho mu Karere ka Musanze, ibasaba gufata iya mbere mu kugira uruhare mu gukumira icuruzwa ry'abantu.

Inspector of Police (IP) Viateur Ntiyamira ushizwe imikoranire ya Polisi n'izindi nzego hagamijwe gukumira no

kurwanya ibyaha mu Karere ka Musanze, yasobanuriye abo banyeshuri amayeri akoreshwa n'abo bacuruza abantu anababwira ko igitsina gore cyane cyane abakobwa aribo bibasiwe kurusha abandi. Yaboneyeho kubabwira ko gutanga amakuru igithe hari uwo babona ashobora kuba ari muri ico gikorwa, ari uburyo

bw'ibanzo bwo kurwanya icuruzwa ry'abantu.

IP Ntiyamira yagize ati "icuruzwa ry'abantu ni bumwe mu bucakara bugezweho kandi bukorwa hakoreshejwe ingufu kugirango batware abantu bajye gukoreshwa imirimo y'agahato harimo nk'ubusambanyi, n'ubwo mu Rwanda iryo curuzwa

ry'abantu ritarafata intera ndende, tugomba kurwanya twivuye inyuma".

IP Ntiyamira yakomeje agira ati "twebwe nka Polisi y'u Rwanda, intego yacu ni ukurwanya uko bishoboka kose icuruzwa ry'abantu kuko ari kimwe mu byaha bibangamiye uburenganzira bw'ikiremwa muntu kandi kikagira

Rutsiro: Abanyeshuri bo muri GS Bwiza bakanguriwe kwirinda ibiyobyabwenge

Kuwa mbere tariki ya 7 Werurwe nibwo Kumupolisi ushinzwe imikoranire ya Polisi n'izindi nzego hagamijwe gukumira no kurwanya ibyaha mu Karere ka Rutsiro, Inspector of Police (IP) Jerome Nsabuwera, yagiranye ikiganiro n'abanyeshuri 600 b'Urwunge rw'amashuri rwa Bwiza ruherereye muri ari karere, abaganiriza ku bubi n'ingaruka z'ibiyobyabwenge kandi abakangurira kubyirinda no kugira uruhare mu kubirwanya.

Yagize ati "Ibiyobyabwenge nk'uko bivugitse, byangiza kandi biyoba uwabwenge bw'uwabinyoye, ndetse ntimwashobora gutsinda mu ishuri cyangwa ngo mutere imbere muramutse mubinya.

IP Jerome yabakanguriye kwirinda guta ishuri bakajya gukora mu birombe by'amabuye y'agaciro ahubwo abasaba kurushaho kwiga kuko ariwo murage mwiza w'ahazaza habo.

Yababwiye kandi ko ibiyobyabwenge bituma uwabinyoye akora ibyaha birimo gukubita no gukomeretsa, ubujura, ihohoterwa rishingiye ku gitsina, urugomo no gufata ku ngufu.

Muri ico kiganiro bahise bashyiraho itsinda ryo kurwanya ibiyobyabwenge, ndetse John Hakizimana, umwe mu banyeshuri wiga mu mwaka wa gatatu watorewe kuriyobora, atangaza ko we na bagenzi be bagiye gukora ibishoboka byose ngo rikore ritikoresheje bajye bagaragaza abanywi cyangwa abacuruza ibiyobyabwenge haba ku ishuri cyangwa se mu nkengero z'ikigo bigamo.

Yongeyeho ko imbere habo ari heza kandi ko imiryango yabo ndetse n'igihugu muri rusange babatezeho byinshi, nta



mpamvu rero yo kwangiza ahazaza habo ku bantu bashobora kwirinda no kurinda abandi.

Umuyobozi w'Urwunge rw'amashuri rwa Bwiza yashimiye Polisi y'u Rwanda muri ari karere ku nama yagiriye abanyeshuri abereye umuyobozi maze abasaba kuzazishyira mu bikorwa.


Yagize ati: "Izi nama, uretse kuba zizatuma dukumira tukanarwanya ibyaha birimo kunywa, gukwirakwiza no gucuruza ibiyobyabwenge mu kigo cyacu, zizanatuma abanyeshuri bacu barushaho kurangwa n'imico n'imyitwarire byiza, bityo bige kandi batsinde".

ingaruka mbi ku muryango nyarwanda muri rusange. Ndizera kandi ko tuzabigeraho ku bufatanye bwanyu ndetse n'abaturarwanda bose".

IP Viateur Ntiyamira yongeye ati" U Rwanda ni Ighugu kidakeneye no kurwana n'ingaruka z'icuruzwa ry'abantu kandi turizera neza ko igihe cyose tuzahanahana amakuru kuri iryo curuzwa ry'abantu rizaranduka burundi".

Asoza IP Ntiyamira

yanaboneyeho umwanya wo gusaba aba banyeshuri kurwanya ibiyobyabwenge ndetse n'ihohoterwa rishingiye ku gitsina; naho abo banyeshuri ndetse n'ubuyobozi bw'ikigo bumwizeza ko bugiye gukomeza ubwo bukangurambaga ndetse bazajya bategura kenshi ibiganiro mpaka mu rwego rwo gusobanukirwa byimazeyo ububi bw'icuruzwa ry'abantu kimwe n'ingaruka z'ibiyobyabwenge.



Kamonyi: Abacukura amabuye y'agaciro bakanguriwe kwita ku bidukikije no kwicungira umutekano



Mu kiganiro umuyobozi wa Polisi mu karere ka Kamonyi Chief Inspector of Police (CIP) Marcel Kalisa yatanze kuri Radio Huguka ikorera mu karere ka Muhanga kuwa gatandatu tariki ya 19 Werurwe cyo gukangurira abacukura amabuye y'agaciro kwicungira umutekano no kwita ku bidukikije, yasabye abakora umwuga wo gucukura amabuye y'agaciro kwicungira umutekano igahe bari mu kazi

kabo ka buri munsi kugira ngo impanuka za hato na hato zinahitana ubuzima bw'abantu zikumirwe.

Muri icyo kiganiro, CIP Kalisa yasabye abaturage kandi kwirinda gucukura amabuye y'agaciro mu buryo bunyuranije n'amategeko, kuko, uretse kuba ari icyaha, bishyira ubuzima by'ubikora mu kaga. CIP Kalisa yagize ati: "Abantu bakwiye kwirinda ibi bikorwa no kubirwanya, kuko

uretse kuba binyuranyije n'amategeko, bishyira mu kaga ubuzima bw'ababikora nk'uko bikunze kugendekera ababikora kuko akensi baba badafite n'ibikoresho, hagira impanuka na ntoya ibabaho igahitana ubuzima bwabo."

Yakomeje agira ati: "Gucukura amabuye y'agaciro bisaba uburenganzira. Hari

Irakomeza ku rupapuro rwa 26

Polisi y'u Rwanda irakangurira abaturage kwirinda inkongi z'imiriro



Polisi y'u Rwanda irashima igikorwa cyakozwe n'abatuye mu kagari ka Kamuhzoza, ho mu murenge wa Kimisagara, mu karere ka Nyarugenge cyo kuzimya inkongi y'umuriro yabaye mu rugo rw'umuturanyi wabo witwa Hakizimana Eugène.

Umuvugizi wa Polisi y'u Rwanda mu mujyi wa Kigali, Superintendent of Police (SP) Richard Iyaremye yavuze ko iyo nkongi yabaye mu ma saa sita n'igice z'ijoro ryo ku itariki 16 Werurwe.

Yavuze ko ubwo abaturanyi ba Hakizimana bamutabaraga basanze

hamaze gushya intebi zo mu ruganiriro, tereviziyo ya Flat screen, dekoderi yayo, na ampurifikateri.

SP Iyaremye yavuze ko abazimije iyo nkongi bakoresheje amazi n'itaka ryumutse; kandi yongeraho ko iperereza ry'banze rigaragaza ko iyo nkongi ishobora kuba yaratewe n'uwakoze "installation" y'amashanyarazi muri iyo nzu ushobora kuba atari abizobereyemo.

Yabashimye agira ati: "Uku gutabarana ni umuco mwiza; kandi ni igikorwa cyiza gikwiye kubera abandi urugero. Ibi byerekana

kandi ko ababikoze basobanukiwe uruhare rwabo mu kurwanya inkongi z'imiriro."

Yagize kandi ati: "Amashanyarazi akoreshwa mu bikorwa byinshi by'iterambere. Ikosa rito mu ikoreshwa ryayo rishobora gutuma hangirika ibintu bitagira ingano. Ni yo mpamvu buri wese agomba kwirinda ikintu cyose gishobora kuyitera."

SP Iyaremye yasobanuye ko mu bitera inkongi z'imiriro harimo gukoresha ibikoresho by'amashanyarazi bitujuje ubuziranenge, no gukoresha abantu badafite ubumenyi buhagije mu bikorwa bijyanye na yo.

Yibukije numero za terefone za Polisi y'u Rwanda zitangirwaho amakuru y'inkongi z'imiriro, arizo: 112, 111, 0788311224, 0788311657, 0788311335 na 078831120.

SP Iyaremye yakanguriye abantu gutunga ibikoresho by'ibanze byo kuzimya inkongi (Fire extinguishers), kandi bagasuzuma buri gihe ko bikiri bizima.

Yabagiriye kandi inama yo kudasiga buji, itara, n'itadowa biri kwaka ngo bajye kure yabyo; kandi abasaba kujya babizimya mbere yo kujya kuryama kimwe n'ibindi bikoresha amashanyarazi nka tereviziyo, radiyo, na mudasobwa.

Kamonyi: Abacukura amabuye y'agaciro bakanguriwe kwita ku bidukikije no kwicungira umutekano

uburyo acukurwa ku buryo bwemewe n'amategeko. N'ubwo wayatahura mu murima wawe, ntibiguha uburenganzira bwo kuyacukura nta burenganzira". Yasabye kandi amasosiyete n'abandi bafite ibirombe bicukurwamo amabuye y'agaciro guha ubwishingizi abakozi babo kugira ngo mu gihe habayeho ibyago babe babona ibyo amategeko abagenera.

CIP Kalisa yanabagejejeho ubutumwa bwo kwirinda kwangiza ibidukikije, aha akaba yabasabye kujya bazirikana gusubiranya imyobo bamaze gucukura

ndetse banahatera ibiti hagamijwe ko ibidukikije bikomeza kubungwabungwa neza. Ashimangira ingingo yo kwita ku bidukikije yagize ati, "Ibidukikije bifite akamaro ku baturarwanda bose, iyo byangijwe, ingaruka mbi zigera ku bantu bose. Niyo mpamvu rero abantu bagomba no kugira uruhare rwo kurinda ibidukikije ndetse banatera ibiti aho bamaze gucukura.

Yasoje avuga ko umutekano ari ishingiro rya byose ko ntacyo babasha kugeraho igihe nta mutekano bafite, asaba abaturage

kugira uruhare mu ikumirwa ry'ibindi byaha muri rusange.

Ingingo ya 438 y'igitabo cy'amategeko ahana y'u Rwanda, ivuga ko umuntu wese ukora imirimo y'ubushakashatsi cyangwa iy'ubucuruzi bw'amabuye y'agaciro mu buryo butemewe n'amategeko, ahanishwa igifungo kuva ku mezi atandatu kugeza ku mwaka umwe n'ihazabu y'amafaranga y'u Rwanda kuva kuri miliyoni eshatu kugeza kuri miliyoni icumi cyangwa kimwe gusa muri ibyobihano.



Polisi mpuzamahanga mu guhashya ibyaha ndenga mipaka

Ubufatanye hagati ya Polisi y'u Rwanda n'izindi nzego yaba imbere mu gihugu ndetse no hanze yacyo ni imwe mu nkingi ituma habaho kurwanya ibyaha ndenga mipaka ndetse n'ibyaha bikoresha ikoranabuhanga.

Umuyobozi wungirije w'ishami rya Polisi rishinzwe kurwanya ibyaha ndengampaka ndetse n'ubutwererane Assistant Commissioner of Police (ACP) Peter Karake yatangaje ko Polisi y'u Rwanda igenda ibona inyungu mu gufatanya hagati y'ibihugu.

ACP Karake yagize ati"ubufatanye hagati ya Polisi y'u Rwanda ndetse n'izindi nzego buratera imbere uko iminsi igenda ihita cyane cyane mu guhanahana amakuru hagamijwe gukumira no kurwanya ibyaha hagati y'ibihugu bigize umuryango wa Polisi mpuzamahanga, INTERPOL".

Avuga ko atari u Rwanda gusa rubigiramo inyungu ndetse n'Akarere k'ibiyaga bigari muri rusange aho atangaza ko ubu imipaka igera kuri 13 yashiyizweho ikoranabuhanga ribafasha gutanga amakuru ku rwego mpuzamahanga.

Yagize ati" tumaze gufata imodoka z'injurano 12 zivuye mu Buyapani, Uganda, Kenya, Ubwongereza ndetse no

mu Bubiligi; ibiyobyabwenge (Cocaine) bifite agaciro k'amadolari y'Amerika 720, 000; abantu bagera kuri 6 bagiye gucuruzwa hanze ndetse n'amafaranga y'amajurano agera kuri miliyoni 32 kandi yasubijwe ba nyirayo"

ACP Karake yongeyeho ko abacuruzi 9 kabuhariwe mu biyobyabwenge bafashwe ndetse n'abakekwaho gukora ibyaha bya genocide. Si ibyo gusa kandi byafashwe kuko n'ibiruzwa bya magendu harimo ibiribwa, imiti ndetse n'urumogi bifite agaciro k'amadolari y'Amerika 40,000 byafashwe kubera ubufatanye hagati y'ibihugu bigize umuryango wa Polisi mpuzamahanga, INTERPOL.

ACP Peter Karake akomeza atangaza ko u Rwanda rwashyize muri za Ambasade zayo mubihugu nka Kenya, Uganda n'u Burundi, Abapolisi bashinzwe gukurikirana no kuzamura ubwo bufatanye (Police attaché) mu rwego rwo kunoza ibijyanye n'iperereza.

ACP Karake atangaza ko inyungu zageze no ku bapolisi aho bamwe ubu bahawe amasomo atuma bongererwa ubumenyi mu kurwanya ibyaha ndengampaka harimo nk'icuruzwa ry'abantu, ibyaha bikorerwa kuri mudasobwa (cyber crimes), icuruzwa

ry'ibiyobyabwenge, iterabwoba ndetse n'ibindi.

Ni muri urwo rwego ubu hari abapolisi 8 bari guhabwa amasomo na INTERPOL aho bari gushaka ubunararibonye ibi kandi bikazabafasha mu kazi mu gihe bazaba bagarutse mu Rwanda.

Ubutwererane n'ubufatanye bwa Polisi y'u Rwanda n'amahanga bugaragarira kandi mu bikorwa mpuzamahanga byo kugarura amahoro mu bilihugu bitandukanye, kugeza ubu rukaba rufite abapolisi bagera hafi 900 mu butumwa bwa LONI mu bilihugu 6 bitandukanye, ndetse bamwe bakaba bafite imirimo ikomeye aho bayoboye Polisi y'umuryango w'abibumbye muri Cote d'Ivoire (UNOCI) na Sudani y'epfo (UNMISS).

ACP Karake yagize ati" kubera icyizere Polisi y'u Rwanda ifitiwe mu ruhando mpuzamahanga tumaze kwakira amanama akomeye harimo inteko rusange ya INTERPOL, inama mpuzamahanga ishinzwe kurwanya ihohoterwa rikorerwa abagore n'abana b'abakobwa (KICD), tutibagiwe n'inteko rusange ya Afurika ishinzwe kurwanya ibyaha bikorerwa kuri mudasobwa (cybercrimes)"

ACP Karake asoza avuga ko ubufatanye bwa Polisi y'u Rwanda n'ibindi bilihugu bugikomeje aho bimaze gusinyana amasezerano mu gukumira ndetse no kurwanya ibyaha.

Aya masezerano azibanda ahanini mu guhanahana amakuru ku banyabyaha, ubufatanye mu gukora iperereza ryimbise, guhererekanya abanyabyaha, kongerera ubumenyi abapolisi ndetse no kongera umubare w'abapolisi bajya mu butumwa bw'amahoro.

"ubufatanye hagati ya Polisi y'u Rwanda ndetse n'izindi nzego buratera imbere uko iminsi igenda ihita cyane cyane mu guhanahana amakuru hagamijwe gukumira no kurwanya ibyaha hagati y'ibihugu bigize umuryango wa Polisi mpuzamahanga, INTERPOL".

U Rwanda ruteze byinshi ku kwishyira hamwe kw'ibihugu mu kurwanya ikorwa n'ikwirakwiza ry'amafaranga – ACP Habyara

Umuyobozi w'ishami rya Polisi y'u Rwanda rishinzwe kurwanya ibyaha by'Iyezandonke no gutera inkunga iterabwoba (FIU), Assistant Commissioner of Police(ACP) Costa Habyara , avuga ko umuryango witwa Eastern and Southern Africa Anti-Money Laundering Group (ESAAMLG) u Rwanda twinjiyemo muri Nzeli 2014, wagiriye akamaro kanini ishami ayoboye mubyo kwiyungura ubumenyi ndetse n'imyumvire kuri iki kibazo.

Iri shami ryatangijwe mu mwaka wa 2011, rifite inshingano z'ingenzi zo kwegeranya, gusesengura, kugeza amakuru ku babishinzwe no kugenza ibyaha, mu rwego rwo kurwanya ibyaha by'Iyezandonke no gutera inkunga iterabwoba nk'uko biteganywa n' Itegeko rikumira kandi rihana iyezandonke no gutera inkunga iterabwoba, nyuma y'uko

bibaye ngombwa ko u Rwanda narwo rugira icyo rukora mu gukumira ibyaha nk'ibyo, rikaba rikorera muri Banki Nkuru y'u Rwanda.

ACP Habyara yagize ati:" Nk'ishami rishya kandi rihanganye n'ibyaha by'ikoranabuhanga bw'ikwirakwiza ry'amafaranga no gutera inkunga imitwe y'iterabwoba, ni ngombwa ko twumva uko bikorwa, uko ibindibihugu byahuye nabyo byabyitwayemo ndetse n'ubumenyi busabwa ngo tubitahure, ibi byose kandi twabigezeho binyuze mu bufatanye n'ibindibihugu."

Yongeyeho ati:"Ntiwarwanya ibyaha nk'ibi biboneka hose ubaye nyamwigendaho, tugomba gufatanya nk'ibihugu, dushyiraho ubufatanye bufite ingufu kandi tugasangira amakuru byihuse."

ESAAMLG yagiyeho muri 1999 i

Arusha muri Tanzaniya kugirango ihashye bene ibi byaha nk'uko byari byasabwe n'urugaga rwitwa Financial Action Task Force (FATF)

EASAAMLG yibanda ku gukorana n'ibindi bigo mpuzamahanga birwanya ibyaha by'ikwirakwiza ry'amafaranga no gutera inkunga imitwe y'iterabwoba, ikiga kandi igakora ubushakashatsi ku bibazo by'akarere tutibagiwe no gufasha mu by'ubuhanga.

Kuri ubu, ESAAMLG igizwe n'ibihugu 16 aribyo Angola, Botswana, Ethiopia, Kenya, Lesotho, Malawi, Mauritius, Mozambique, Namibia, Seychelles, South Africa, Swaziland, Tanzania, Uganda, Zambia na Zimbabwe.

FATF ifite icyicaro I Paris mu Bufaransa, ku rundi ruhande ifite igice gishinzwe gushyiraho ubushobozi mpuzamahanga bwo kurwanya ibyaha bw'ikwirakwiza ry'amafaranga no gutera inkunga iterabwoba, mu byo isaba ibihugu kandi harimo no gushyiraho amashami ashinzwe kurwanya ibyaha by'Iyezandonke no gutera inkunga iterabwoba (FIU), akaba ariyo ashyira mu bikorwa amategeko arwanya ibi byaha byombi.

Aha yagize ati:"Tugeze kure dushyira

Irakomeza ku Rupapuro rwa 29

"Amakuru meza ni uko tutarahura na biriya byaha byombi mu Rwanda, n'ahagiye hakekwa ihererekanya ry'amafaranga twarabihagaritse kandi ntaho bihuriye n'ibivugwa hejuru."

Gatsibo: Abayobozi b'inzego z'ibanke basabwe kuba ku isonga mu kurwanya ibyaha

A bayobozi b'inzego z'ibanke bamerutse agutorwa, bibukijwe gufata iya mbere mu rugamba rwo kurwanya ibyaha mu duce bayobora.

Aganira n'abagera kuri 200 barimo aba bayobozi n'abaturage bo mu murenge wa Muhura, Inspector of Police (IP) Roger Rwakayiro, ushinzwe guhuza ibikorwa bya Polisi y'u Rwanda n'abaturage hagamijwe gukumira no kurwanya ibyaha, yavuze ko akarere ka Gatsibo kagifite ibibazo bifite inkomoko ku ikoreshwa ry'ibiyobyabwenge, ihohoterwa rishingiye ku gitsina, iryo mu ngo n'irkorerwa abana n'ibindi.

IP Rwakayiro yagize ati:" Twabonye impinduka zigaragara z'ubukangurambaga bwagiye bukorwa n'abayobozi b'ibanke batanga amakuru ku byaha n'abanyabyaha mu bihe byashize, abagizi ba nabi benshi barafashwe, ibiyewe biragaruzwa n'ibindi,... namwe rero nk'abayobozi bashya,

mutegerejweho ubufatanye bwa hafi na Polisi n'abo muyoboye kugirango ibyaha n'abanyabyaha babure ubuhumekero."

Komite zo ku nzego z'umudugudu n'akagari ziri mu zigize iza kominiti polisingi (CPC) , n'ubundi ziri mu zishinzwe gufata iya mbere muri gahunda zose zo kurwanya ibyaha hakoresheje ubufatanye bwa hafi n'abaturage ndetse na Polisi, basangira amakuru ku kugaragaza abanyabyaha.

Uturere twa Gatsibo na Nyagatare two mu Ntara y'Iburasirazuba dufatwa nk'aho aritwo dukunze kubonekamo ibinyobwa bitemewe nka kanyanga, shifu waragi, zebra waragi, blue sky n'izindi..byose bifatwa nk'ibiyobyabwenge mu itezego rigena imikoreshereze y'ibiyobyabwenge n'urusobe rw'imiti ikoreshwa nka byo mu Rwanda.

Ingingo yaryo ya 24 ivuga ku ikumirwa ry'ibinyobwa bitemewe, ivuga ko ikinyobwa cyose kirengeje igipimo cya

mirongo ine na gatanu ku ijana (45%) bya alukoro n'ikindi cyose kitujuje ibyangombwa byo kuba cyanyobwa, gifatwa nk'ikiyobyabwenge.

IP Rwakayiro yibukije abayobozi b'ibanke ko hari n'icuruzwa ry'abantu ririmo kwiyongera mu karere, ndetse n'ihohoterwa rikorerwa abana rikwiye kurwanya.

Inama kandi yavuze ku kwita ku isuku mu baturage, kurwanya malariya ndetse no kwirinda ruswa.

Kuri ruswa, Polisi yashyizaho umutwe ushinzwe kuyikumira no kuyirwanya by'umwihariko, inashyiraho umutwe ushinzwe imyitwarire y'abapolisi kuri ruswa n'ibindi bikorwa bitemewe n'amategeko agega umwuga wa gipolisi, yanashyizaho kandi umutwe ushinzwe kugenza ibyaha bimunga umutungo, byose kugira ngo abapolisi n'abandi bantu barusheho kurangwa n'indangagaciro kandi bagire imyumvire irwanya ruswa.

Kamonyi: CPCs bakanguriwe gukomeza kwicungira umutekano

Mu nama yahuje ba CPCs 145 bakorera mu murenge wa Nyarubaka mu karere ka Kamonyi mu mpera z'iki cyumweru, Polisi y'u Rwanda ikorera muri ako karere yabakanguriye gukomeza ingamba zo kwicungira umutekano bakumira banarwanya ibyaha aho batuye.

Muri iyo nama, umupolisi ushinzwe imikoranire hagati ya Polisi n'abaturage hagamijwe kwicungira umutekano wo gukumira no kurwanya ibyaha muri ako karere, Inspector of Police (IP) Athanase Niyonagira, yabibukije ko buri gihe bagomba kureba ushobora kubahungabanyiriza umutekano bakamushyikiriza inzego zibishinzwe.

Akaba yaragize ati:"Mufite uruhare rukomeye mu micungire y'umutekano aho mutuye, niyo mpamvu duhora tubibutsa gutangira amakuru ku gihe no gukangurira abaturanyi banyu gutanga amakuru y'icyabahungabanyiriza umutekano."

IP Niyonagira yabakanguriye kandi gukora kinyamwuga no kuba intangarugero aho batuye kugirango bakomeze kwicungira umutekano bityo bagere ku iterambere rirambye.

Akaba yaragize ati:"Mugomba kuba intangarugero mu baturanyi banyu,



niyo mpamvu mugomba kwirinda ubusinzi, kunywa ibiyobyabwenge n'inzoga z'inkorano n'ibindi bikorwa byahungabanya umutekano, mukitabira umurimo mugatera imbere n'imiryango yanyu ndetse n'Ighugu."

Yasoje abakangurira kujya batanga amakuru y'imiryango ibanye nabi kugirango igirwe inama, ejo ayo makimbirane atazabaviramo gutemana cyangwa kwicana nk'uko hari aho byagiye bigaragara.

Umunyamabanga nshingwabikorwa

w'umurenge wa Nyarubaka Mazimpaka Epimaque wari witabiriye iyo nama, yashimiye Polisi inama idashwema guha abaturage, anabasaba gushyira mu bikorwa impanuro bahawe na Polisi y'u Rwanda.

Nyuma y'inama, ukuriye CPCs muri uwo murenge Nyandwi Jean Paul nawe yashimye Polisi muri aya magambo:"Turashimira impanuro Polisi yacu ihora iduha kandi iyi nama yari ingenzi kuko iduhwituriye kwita ku nshingano zacu".

U Rwanda ruteze byinshi ku kwishyira hamwe kw'ibihugu mu kurwanya ikorwa n' ikwirakwiza ry'amafaranga – ACP Habyara

mu bikorwa ibyo dusabwa na FAFT kandi bizagerwaho vuba; ibi ni ibyaha ndengampaka, bikorwa n'abantu cyangwa amatsinda akorera mu guhugu kirenze kimwe kandi mu bucuruzi butemewe, ibi byose bifite ingaruka ku bukungu kandi bidindiza ishoramari mpuzamahanga n'ibijyanye naryo, ariko nta kabuza , ubu bufatanye buzagira uruhare mu kubirwanya."

Yongeyeho ati:"Amakuru meza ni uko tutarahura na biriya byaha byombi mu Rwanda, n'ahagiye hakekwa ihererekanya ry'amafaranga twarabihagaritse kandi ntaho bihuriye n'ibivugwa hejuru."

Yakomeje agira ati:"Mu mwaka wa 2012 twafashe amadorali y'Amerika ibihumbi 210, mu mwaka wa 2014 dufata ibihumbi 160 by'amadorali y'Amerika ndetse tunahagarika amakonti 22 mu ma banki anyuranye mu mwaka wa 2015.

Mu iperereza ryimbitse twakoze nta bimenyetso twabonye byerekana ko ayo mafaranga yose yari afite aho ahuriye n'icyaha cy'iyenzandonke cyangwa se gutera inkunga iterabwoba."

Yasoje avuga ati:"Kurwanya ikwirakwiza ry'amafaranga no gutera inkunga iterabwoba ntibyagerwaho hatabayeho ubufatanye mpuzamahanga, niyo mpamvu amashyirahamwe y'uturere n'ibihugu bigize isi yose ari ngombwa ngo harwanywe iki cyorezo."

ACP Habyara avuga iri shami rishinzwe kurwanya ibyaha by'Iyezandonke no gutera inkunga iterabwoba (FIU) ayoboye rishaka kwinjira muri Egmont Group, ihuriro rya za FIU rifite icyicaro i Toronto muri Canada, rikaba riteza imbere amahugurwa kuri za FIU, ihanahana ry'amakuru n'ubunararibonye ku isi.

Uko ibikorwa bya Polisi y'u Rwanda bihagaze mu Ntara y' Amajyaruguru

Umutekano ni inkingi y' amahoro, ubumwe n'iterambere birambye. Mu mwaka wa 2000 , ubwo Polisi y'u Rwanda yashingwaga, yatangije uburyo bushya bwo gukorana n'abaturage bitandukanye na kera aho wasangaga hari icyaho hagati y'umuturage n' inzego zishinzwe umutekano, ugasanga bahanganye.

Kimwe no mu zindi ntara zose z'Ighugu, uburyo abaturage bafatanya na Polisi byagize uruhare rukomeye mu kwimakaza umutekano n'amahoro, mu ntara y' Amajyaruguru.



Police Hand Ball Club ibaye ubukombe mu kwegukana ibikombe

Ikipe y'umukino w'intoki ya Polisi y'u Rwanda (Police HBC), imaze kuba ubukombe mu kwegukana ibikombe hafi ya byose bihatanirwa hano mu Rwanda.

Nk'uko twabitangarijwe n'umutoza wayo Assistant Inspector of Police (AIP) Antoine Ntabanganyimana, yavuze ko mu mwaka wa 2015 begukanye ibikombe 6 byahataniwe muri uwo mwaka.

Ibyo bikombe bikaba ari:

- Igikombe kitiriwe Impano n'impamba yatwaye tariki ya 11 Mutarama 2015

- Igikombe cyitiriwe umunsi w'Intwari yatwaye muri Gashyantare 2015

- Igikombe cyitiriwe umunsi w'umuromo yatwaye muri Gicurasi 2015

- Igikombe cy'amakipe ya mbere mu Rwanda (Carree d'As) yatwaye muri Kanama 2015

- Igikombe gikinirwa ku mucanga (Beach Hand Ball) yatwaye muri Nzeri 2015

- Igikombe cy'ighugu yatwaye mu Ukuboza 2015

- N'Igikombe cyahuzaga amakipe yo muri Afurika yo hagati n'Iburasirazuba yatwaye mu Ukuboza 2015

AIP Ntabanganyimana yavuze ko kugirango batware ibi bikombe byose babikesha ubuyobozi bwiza bw'iyi kipe, buba hafi abakinnyi mu kubaha ibyo bakeneye, ndetse n'inama, imyitozo myinshi, ubushobozzi n'ubushake by'abakinyi, bakina bafite intego yo

gutsinda.

Yakomeje avuga ko bafite intego yo gutwara ibindi bikombe bizakinirwa muri uyu mwaka w'imikino, dore ko barangije no gutwara Igikombe cyitiriwe umunsi w'Intwari cy'uyu mwaka wa 2016, kandi kugeza ubu bataratsindwa umukino n'umwe mu mikino itanu imaze gukinwa, aho bafite amanota 15 kuri 15.

Dore imikino bakinnye n'uko bagiye bayitsinda:

Ku itariki ya 5 Werurwe batsinze Urwunge rw'Amashuri rwa Rambura ibitego 51 kuri 19

Ku itariki ya 12 Werurwe batsinda Urumuri ibitego 66 kuri 20

Ku itariki ya 19 Werurwe batsinda Polytechnique Kibogora 37 kuri 18

Ku itariki ya 27 Werurwe Police HBC itsinda icyahoze ari ishuri rikuru nderabarezi rya Kigali (UR-CE) ibitego 42 kuri 26

Naho ku itariki ya 2 Mata itsinda icyahoze ari Kaminuza nkuru y'u Rwanda (UR -CASS) ibitego 60 kuri 28.

Kapiteni w'iyi kipe Mutuyimana Gilbert yavuze ko gutsinda babikesha ubuyobozi bwiza bw'ikipe bubaba hafi, umutoza ubimenyereye, ahoyagize ati: "Ubuyobozi bw'ikipe butuba hafi tugakora imyitozo myinshi, kandi gahunda yacu ni ukuzitwara neza mu mikino nyafurika aho tuzaba duhagarariye ighugu."

POLISI Y'U RWANDA IKANGURIRA ABANTU

KURWANYA
IBIYOBYABWENGE

KWIRINDA
ABASHUKANYI

KWIRINDA
IMPANUKA



TURN BACK CRIME



ubukangurambaga
“TUBURIZEMO IBYAHÀ”



umutekano
SPORT



Police Hand Ball Club ibaye ubukombe mu kwegukana ibikombe

